

# სახალხო განათლება+

„ქვეყნად არცერთი ბრძანის არ იყო, მასწავლებელი არა ჰყოლოდა“.  
იოსებ ნონაშვილი

№ 8 (4512) • 13 მაისი • 2015 წელი • გაზეთი გამოდის ოთხშაბათობით • ფასი 80 თეთრი

ქართულ-ამერიკულ უმაღლეს სკოლაში

## კომფორტული სწავლების ტრიუმი



**ჭყონდიდის** თვრამეტეტი თუ ჩაგვილიათ, თქვენ ნახავდით სიტურფეს და საოცრებას. სკოლა იგი ქართულ-ამერიკულია, მოგანიჭებთ ესთეტიკურ შთაგონებას, – მითხრა ერთმა პოეტმა ექსპრომტად. ვენზე და მართლაც დავრწმუნდი ამაში. ორიგინალური სტილის თეთრი შენობა „ისე ნაგებია, სიზმრის გეგონება“. ახლა ვრცელი, ეგზოტიკური ეზო ნახეთ ცადაცყორცნილი კიპარისებით, დაბლა ვარდ-ბაღნარით დამშვენებული. მეცადინეობისგან გადაღლილისთვის იქ დასვენებას რაღა სჯობს? შევბას იპოვი უთუოდ. მოდით, სკოლაში შევიდეთ. სიმყუდროვე, გაკრიბებული დერეფნები, საკლასო ოთახები, თვალსაჩინოებით ზომიერად გაჯერებული, სამეცადინო განწყობილებას აღძრავს. განვაგრძოთ დათვალეობა. აი, სასწავლო სტენდები, კედლის გაზეთები, სიბრძნის, მეცნიერების კორიფთა პორტრეტები, მათი გამონათქვამები. მარმარილოს ასასველები კიბეები. მოზაიკური მეტლახ-კაფელებით განწყობილი ვესტიბული, რომელიც, როგორც ბრეჟნევის მკერდი ვერ იტევდა მედლებს, ისე ვერ იტევს მასშტაბურ ოლიმპიადებში, კონფერენციებში, კონკურსებში მოსწავლეთა მიერ მოხვეჭილ დიპლომებს, სერთიფიკატებს...

სტრუქტურაზე საუბარს მეტს არ გაეაგრძელებ. ამას პლუს ძლიერი შემადგენლობა პედაგოგებისა გახლავთ ნარმატების გარანტი, აქ შედეგებზე ორიენტირებული კომფორტული სწავლების ტრიუმი. ვინ

არის ყოველივე ამის შემოქმედი? ვინ და, უაღრესად ერუდირებული პედაგოგ-მეცნიერი, ფიზიკა-მათემატიკის დოქტორი, მრავალ საერთაშორისო სიმპოზიუმში გამარჯვებული **მამუკა მესხიშვილი**, რა თქმა უნდა, გამობრძმედილ პედაგოგთა თანადგომით.

ახლა რომანტიკული რიტორიკიდან დადინჯვებულ სტატისტიკაზე გადავიდეთ და ისე გავეცნოთ ამ სკოლის წინსვლა-ნარმატების ეპიზოდებს. საქართველოს ნამყვანი კერძო სკოლა - „ქართულ-ამერიკული უმაღლესი სკოლის“ სახელწოდებით 2003 წელს დაარსდა. ე. ი. ათი წლის იუბილე უკან მოიხივება. სკოლას ერთი ჰექტარი ულაშაზისი ნიწვოვანი ტყე-პარკი აკრავს. აქ მონყობილია ფეხბურთისა და კალათბურთის მოედნები, ჩოგბურთის კორტები. სკოლა აღჭურვილია თანამედროვე კომპიუტერული და საბუნებისმეტყველო ლაბორატორიებით, ბიბლიოთეკით, სამედიცინო კაბინეტით, კვების ბლოკით, თეატრალური და

ვილი აქტიურ სამეცნიერო მოღვაწეობას ეწევა. 2013 წელს გამოქვეყნდა მისი წიგნი სახელწოდებით „სამსაუკუნოვანი პრობლემა“. წელს კი მსოფლიოში აღიარებულ, მათემატიკის ამოუხსნელი პრობლემები ვებგვერდზე – [www.unsignedproblems.org/index\\_files/Solutions.htm](http://www.unsignedproblems.org/index_files/Solutions.htm). გამოქვეყნდა მისი ორი სამეცნიერო ნაშრომი. სკოლის უფროსკლასელები სწორედ მისი ხელმძღვანელობით მუშაობენ საკონფერენციო თემებზე, რომლებიც საერთაშორისო ასპარეზზე ყოველთვის დიდ მოწონებას იმსახურებს.

2013 წლის სექტემბრიდან ვაკეში ფუნქციონირება დაიწყო ქართულ-ამერიკული უმაღლესი სკოლის ფილიალმა ქართულ-ამერიკულმა სკოლამ. Georgian-American (იხ. ვებგვერდი: [www.gas.edu.ge](http://www.gas.edu.ge)). ამ ფილიალის დირექტორია ქალბატონი **ირმა მესხიშვილი**.

გამოსაშვები თუ საატესტაციო გამოცდების შედეგებით, კონფერენციებსა თუ ოლიმ-



საკონფერენციო დარბაზებით. სკოლის 105 მასწავლებლიდან ყველა სერთიფიცირებულია. მასწავლებელთა გუნდი მომავალ თაობას აძლევს ეროვნულ ტრადიციებზე დაფუძნებულ მსოფლიო სტანდარტების შესაბამის განათლებას.

სკოლის დირექტორი **მამუკა მესხიშვილი**

პიადებზე მიღწეული ნარმატებებით სკოლა მუდმივად ძლიერია, როგორც ქვეყნის შიგნით, ასევე მის ფარგლებს გარეთ. სკოლის მოსწავლეები აქტიურად მონაწილეობენ სხვადასხვა საერთაშორისო კონფერენციებში. ჩვენი სკოლა არის ICYS-ის და INTEL ISEFF-ის საორგანიზაციო კომიტეტის წევრი. წელს 19-25 აპრილს ჩვენმა გუნდმა საქართველოს სახელით იასპარეზა თურქეთის ქ. იზმირში გამართულ ICYS – ახალგაზრდა მეცნიერთა საერთაშორისო კონფერენციასა და გასულ წელს 11-16 მაისს აშშ-ს ქ. ლოს-ანჯელესში გამართულ INTEL ISEFF – საერთაშორისო სამეცნიერო და საინჟინერო გამოფენაზე. 2015 წელს ახალგაზრდა მეცნიერთა საერთაშორისო კონფერენციაზე ქართულ-ამერიკული უმაღლესი და ქართულ-ამერიკული სკოლის გაერთიანებული გუნდი დიდი ნარმატებით გამოვიდა მათემატიკის სექციაში. ოქროს და ვერცხლის მედლები დაიმსახურეს: **გიორგი მესხმა** – ოქრო, **მარი ქანაშვილმა** – ოქრო, **გიორგი გიორგაძემ** – ვერცხლი, **ჯაბა ჯაბაურმა** – ვერცხლი.

სკოლა ასევე არის ამერიკული მათემატიკური საზოგადოების MY ALPHA THETA-ს წარმომადგენელი საქართველოში, რაც საშუალებას აძლევს ჩვენს მოსწავლეებს

### პედაგოგი – ვინც გვახსრავებს



„აპ პირველობი შრომაში, იქაც ყოფილხარ წინაო“, – დედის ეს სიტყვები ცხრა მაისს გამარჯვების ზეიმის მონაწილე ყველა ომგადახდილს ეკუთვნის. ვაგლახ, რომ წელ-წელა მცირდება მათი რაოდენობა და თითებზე ჩამოსათვლელნი დარჩნენ. როგორ გულს გვტყვენ უსამართლობა, როცა ზოგიერთი ტვიზნალდობი, გრანტებს დახარბებული „ექსპერტ-პოლიტოლოგი“ კნავის: „ეს ომი სამამულო არ იყო“. ანდა „რა პატრიოტები არიან, სხვის ომში იბრძოდნენო“. ამ უნიგუნტებს თუ არ უსწავლიათ, არც სხვისგან გაუგონიათ აბაშელის სტრიქონები: „მტერი თუ მოვიდა, ჩავვიქრობს კერას მამა-პაპეულს, პირში ჩავვიქრობთ სიტყვა რუსთაველური, მონურ უღლის ტაბიკზე შემოვიჭერს აპურს და ნესტანს ტყვედ ნაიყვანს ქაჯი უფრო ველური?“ ეს მართლაც ველურები ახალგაზრდობას დღესაც უტყვინან თავში აზრს, თითქოს გერმანელები დემოკრატიულ სამოთხეში გვაცხოვრებდნენ. სად გინახავთ მსოფლიოში კეთილი დამპყრობელი? დამსახურებული მასწავლებელი **მირიან ჯალალონია** ბრძოლაშიც და შრომაშიც ჩვენს მშვიდობას, უშიშროებას იცავდა მაშინ და იცავს დღესაც. იგი, 90 წლის ვეტერანი 9 მაისის ზეიმის მონაწილეთა შორის მხნედ და ამყვად იდგა.

**მირიან ჯალალონია** პედაგოგიური ოჯახის უზუცესი წევრი გახლავთ. მოღვაწეობდა პედაგოგად გაგრის სკოლებში, სოხუმისა და ბათუმის პედაგოგიურ უნივერსიტეტებში. ფილოლოგიის მეცნიერებათა დოქტორი, გერმანული ენის ჩინებული სპეციალისტი. მისი მეუღლე **თალიკო წარია**, ცნობილი პედაგოგი, სოხუმის მერვე სკოლის დირექტორად დიდხანს მუშაობდა.

ზემოთ ვთქვით, ბატონი მირიანი დღესაც ჩვენი მშვიდობისთვის, აფხაზეთის დაბრუნებისთვის იბრძვისო. დაახ, ეს ნამდვილად ასეა. ერთ-ერთ სატელევიზიო გადაცემაში ბრძანა, რომ სხვა ომგადახდილებთან ერთად აპირებს შეხვედეს მოსკოვში მცხოვრებ აფხაზეთის ვეტერანთა საბჭოს თავმჯდომარეს, ძველ პარტიულ მუშაკს **კოტე ოზგანს**, რომელსაც თურმე შემოუთვლია, ძველი მეცდომები გამოვასწოროთ, აფხაზ და ქართველ ხალხებს შორის ჩატეხილი ხიდის გამთელებს გზები ერთად დავსახოთო. ცდა ბედის მონახვერეა. ამ საქმეში დიდი ნარმატება ვუსურვოთ მცხოვან პედაგოგს.

ასევე ვუსურვოთ **მირიან ჯალალონიას**, სანამ არ მოწყინდება, იმდენ ხანს სიცოცხლე!

ბორის მიშველაძე

### მპითხველთა საყურადღებოდ!

გაზეთის გამოსაწერად მიმართეთ პრესის გავრცელების სააგენტოებს: „საქპრესა“ – გურამიშვილის გამზ. 64, ტელ.: (032) 2 518 518, „მაცნე“ – საირმის ქ. კორპ N 4, ტელ.: 2 14 74 22.



გაგზავნილია გვ. 2 83.

# კომფორტული სწავლების ტკიუფი

## პირველი გვირგვინი

მონაწილეობა მიიღონ ამერიკაში გამართულ ნებისმიერ მათემატიკურ ოლიმპიადასა თუ კონფერენციაში. აღნიშნული საზოგადოებების ეგიდით გამართულ ღონისძიებებში მიღწეული წარმატება ჩვენს მოსწავლეებს ეხმარება, მოიპოვონ დაფინანსება და სწავლა განაგრძონ ამერიკისა და ევროპის საუკეთესო უნივერსიტეტებში.

სკოლას უკვე ჰყავს 2015 წლის პირველი სტუდენტი – **სალომე გუდიშვილი**, რომელიც ამერიკის შეერთებული შტატების ერთ-ერთ საუკეთესო უნივერსიტეტში –

Pade University ჩაირიცხა და მოიპოვა მაქსიმალური სტიპენდია.

სკოლაში წელიწადში ორჯერ იმართება ინგლისური ენისა – GEO და მათემატიკის ოლიმპიადები – MATH. ექვსი საუკეთესო მოსწავლე ყოველ კლასში ვილდოვდება სასწავლო გრანტით.

სკოლაში ფუნქციონირებს საშაბათო სკოლები. მოსწავლეები ინგლისურ ენასა და მათემატიკაში მეცადინეობენ დამატებითი გაძლიერებული პროგრამით.

ჩვენი სკოლა უზრუნველყოფს მოსწავლეთა კემბრიჯის საერთაშორისო დონის სასერთიფიკაციო გამოცდებისათვის მომზადებასა

და გამოცდის ჩაბარებას. წლის ბოლოს მოსწავლეები მიიღებენ ენის ცოდნის დამადასტურებელ სერთიფიკატებს.

ქართულ-ამერიკული უმაღლესი სკოლის პრიორიტეტია ინგლისური ენისა და მათემატიკის გაძლიერებული და საფუძვლიანი სწავლება (იხ. ვებგვერდი: [www.gahs.edu.ge](http://www.gahs.edu.ge)).

ჩვენი სკოლის მისიაა აღზარდოს ნიგნიერი და კრიტიკულად მოაზროვნე, შემოქმედებითი და მიზანდასახული პიროვნება, რომელიც ხელს შეუწყობს ქვეყანაში სამოქალაქო საზოგადოების ჩამოყალიბებას და საქართველოს ინტეგრაციას მსოფლიოში. კიდევ ბევრი კარგის თქმა შეიძლება ამ სკოლაზე, თუმცა, რაც ითქვას, ისიც მისი ტრიუმფის ნათელი დადასტურებაა.

დასკვნა ერთია: მაღალორგანიზებული სასწავლო-აღმზრდელი პროცესით ქართულ-ამერიკული უმაღლესი სკოლა წინ მიდის და ცოდნის მწვერვალებს იპყრობს.

**ბორის მიჰვალაქა,**  
პედაგოგიკის დოქტორი

**სალომე ტაყნაქა,**  
ადმინისტრაციული მენეჯერი



# გასაოცარი გახისკროვნება

## ერთი ღლე 106-ე თბილისის საჯარო სკოლაში



**გაპრი** ვიფიქრე ამ სტატიის სათაურზე. დირექტორის დასახასიათებლად დანერგული ბარათებიდან თვალში მომხვდა პედაგოგ **ლელა გოგოლაძის**

ნაწერის სათაური, მომენონა იგი და დავესესხე.

ამ სკოლის დირექტორს დავითი რომ ერქვას ვიტყვოდი, აღმამენებელია-მეთქი. რადგან თენგიზი ჰქვია, სკოლების ამლორძინებელ-დამამშვენებლად უნდა მოვხატო. სასაუბროდ მის კაბინეტში შეკრებილი მასწავლებლები დამეთანხმნენ. ნავაროს „ენდი-აის“ გამოკითხვას თუ დავუჯერებთ, ბატონ თენგიზს ნდობის მანდატი განაღდებული აქვს.

„პოლიტიკურ ზენოლად“ არ ჩამითვალონო და დირექტორი კაბინეტიდან გავიდა, მარტო დამტოვა სასაუბროდ პედაგოგებთან. ყველამ ერთხმად აღნიშნა დირექტორის „საქმენი საგ-მირონი“. ერთმა უფრო გულწრფელად, რა თქმა უნდა, კარგი გაგებით, თქვა: თვითონ არ ისვენებს და არც ჩვენ გვასვენებსო.

ამ წელიწადნახევარში დირექტორის ღვანლის დაფასებაა: **ლია ზურაბიშვილის** ლექსი „ჩვენი სკოლა 106-ე“ (თუ

სურვილი ექნება, ჩვენ ადგილს დავუთმობთ მის ლექსებს), **ნანი ჭანტურიას, ლელა გვაზავას, ცირა ბახტაძის, ნაზი სეთურიძის, მარეხ მაჭარაშვილის, შორენა იმედაიშვილის** და სხვათა შთაბეჭდილებები.

ზემოთ ვთქვით, სკოლების ამლორძინებელ-დამამშვენებელიო. დიას, მართალია, მაშინ დირექტორად არ მუშაობდა, მაგრამ ბატონმა თენგიზმა დედაქალაქის მე-5 საჯარო სკოლის ინფრასტრუქტურის მოსანერგებლად ბევრი ოფლი დაღვარა. შემდეგ მკაცრ კონკურსში გაიმარჯვა და გლდანულაში 59-ე საჯარო სკოლის დირექტორად დანიშნეს.

ცხინვალის ომში დაბომბილს ჰგავდა ის სკოლა, გაპარტახებული, ეზო გავერანებული. იულიუს კეისარს ეკუთვნის ჩინებული ფრაზა: „მიველ, ვნახე, გავიმარჯვე“. **თენგიზ გულორდავა** მივიდა, ნახა, ფენიქსებერ აალორძინა ის სკოლა. შეუდგნენ ნორმალურ პირობებში მუშაობას და აი, ბედის ირონია: „განა ხანგრძლივ ეს სოფელი

გაახარებს ვინმეს განა?“ რალაც შარი მოსდეს, „მკლავი მოჭრეს, რატომ კარგი აგიგიაო“, ხუთი წელი ბატონმა თენგიზმა უსამართლობის საშინელი სტრესი გადაიტანა და... ბოლოს სამართალმა პური მანც ქამა... გამობრძმედილი, შემოქმედი, დაულალავი პედაგოგი უკვე მეორე წლია თბილისის 106-ე სკოლას თავკაცობს. აქაც ისეთივე ვითარება დახვდა. აქაც მოვიდა, ნახა, გაიმარჯვა.

**თენგიზ გულორდავა** ლამაზად ხუთი შვილის, ამდენივე შვილიშვილის გამზრდელი დირექტორია. თბილისში კიდევ ერთი დირექტორი მეგულება ხუთი შვილის ლამაზად გამზრდელი. იგი სოხუმიდან დევნილი მე-10 სკოლის დირექტორი **ბელა ხუბუტია** გახლავთ. – გაგონილს დანახული სჯობსო, – ამბობს დირექტორი და მეგზურობას მიწევს.

სკოლას ერთი ჰექტარი მწვანედ მოშრიალე ეზო ამშვენებს. „მწვანე აქციის“ დროს აქ 200-მდე ახალი ნარგავი ჩაუყრიათ.





**მეორე გვერდიდან**

ყველაზე საოცარი მაინც დაწყებითი კლასებისთვის ცალკე გამოყოფილი შენობაა. შეხვალ და... „ეს თვალები რას ნახავენ სხვა უკეთეს სანახავსა!“ ცეროდენების (I-IV კლასების) სასწავლო ოთახები ესთეტიკურ ტკობას მოგანიჭებთ. გავესაუბრეთ ყოველი კლასის პედაგოგს. დერეფნები? არ ვიცი, იგი მერამდენე საოცრებაა. კონტრას-

ლოვანი გულია ჩასმული და ქვემოთ ოცდაცამეტი ანთებული ასო-სანთლით მლოცველი ბრძენი იაკობი... ეს ხომ სიმბოლოა ქართული სულისა, ზემოა „დედა ენისა!“

დროა სტატისტიკის ენით მსჯელობაზე გადავიდეთ. სკოლას აქვს კეთილმოწყობილი ბიბლიოთეკა, სამედიცინო კუთხე, მშენიერი ცენტრალური გათბობა... და ეს ყველაფერი, ეს ინფრასტრუქტურა მოწეს-



ტისთვის პატარა, გაურემონტებელი კუნჭული საექსპონატოდ შემოუნახავთ. დაელოცოს მარჯვენა დერეფნების მომხატველ ოსტატს **დავით ასლანიშვილს!** აი, პანოები, პანორამები, პეიზაჟები. ბავშვების საყვარელი პერსონაჟები თითქოს ზღაპრებიდან გადმოსულან და დერეფნებში დააბოტებენ. საოცარი ფანტაზიის პატრონია ჩვენი დირექტორი. ეს რამ მოაფიქრა? თბილისის ვერცერთ სკოლაში ვერ ნახავთ. ორიგინალური „ლუსტრა“ – 106-ე სკოლა, 0-ის მაგივრად ცეცხ-

რიგდა სულ წელიწადნახევარში. პედაგოგები თავიანთ ბარათებში ხაზს უსვამენ დირექტორის მეგობრულ, კოლეგიალურ, კომუნიკაბელურ, ჰუმანურ თვისებებს.

ძლიერი პედაგოგები ჰყავს სკოლას – გამოცდილნი, შემოქმედნი. დირექტორს აქტიურად უდგანან მხარში და სკოლის წარმატებას განაპირობებენ: დირექტორის მოადგილე, გამოცდილ-ენტუზიასტი პედაგოგი **ნაზი სეთურიძე**, პედაგოგიური საბჭოს თავმჯდომარე **ნანი ჭანტურია**, სამეურვეო საბჭოს თავმჯდომარე **ცირა ბახტაძე**, მოსწავ-



ლეთა თვითმმართველობის სპიკერი **მარი მაკასარაშვილი**.

სწავლების ხარისხის გაუმჯობესებასა და მაღალ შედეგებზე არის ორიენტირებული საგნობრივი კათედრების საქმიანობა. ნაყოფიერად მუშაობენ კათედრის ხელმძღვანელები: **ლია ზურაბიშვილი** (ქართულის კათედრა) ნევრები: **თეო ჯავახიშვილი**, **ნინო ხაჩიძე**, **ლეილა გაგუა**, **მ. ბულაძე** (მათემატიკა) ნევრები: **ასმათ გურული**, **მანანა ნეფარიძე**, **თამარ ლამბაშიძე**, **მარეხ მაჭარაშვილი**.

**დვენოზაშვილი**, **სოფი ქოქაშვილი**, **ანა აფრიაშვილი**, **ანი ბერიაშვილი**, **გია ბერელიძე**, **ზურაბ სირაძე** და მრავალი სხვა. ლიტერატურული კლუბი უმცირეს მხატვრულ ჟურნალს „**ბუხარი**“, რომელიც, „ძალიან გამხიარულდა, გულჩათხრობილი არ არის“.

მეტად პოპულარულია: ცეკვის, ხალხური საკრავების, სახვითი ხელოვნების, მუსიკის სტუდიის, გახანგრძლივებული წრეები. ქებას იმსახურებს საინფორმაციო მენეჯერის **ნინო ჯავახიშვილის**, ექიმ, **თეონა ჭილაძის**



**მ. ცხადაძე** (უცხოური ენები), ნევრები: **ნონა ყაჯრიშვილი**, **ლალი ადამაშვილი**, **ლელა გოგოლაძე**, **დარეჯან კონტრიძე**, **ნანა ტაბატაძე**, **ლ. ხატიაშვილი**, **მ. ოქრუაშვილი**.

საზოგადოებრივი მეცნიერებები: **ნელი ჩოჩიშვილი** (ხელმძღვანელი), ნევრები: **ცირა ბახტაძე**, **ნანი ჭანტურია**, **ლელა ნაყოფია**, **მარინე ასლანიშვილი**.

დაწყებითი კლასების კათედრა: **ხათუნა გასიტაშვილი** (ხელმძღვანელი),

მონდომებული მუშაობა.

ორი მე-12 კლასი დაემშვიდობება მალე მშობლიურ სკოლას და დაუფიცვარ დამრიგებლებს: **დარეჯან კონტრიძეს** და **მანანა ბაბუნაშვილს**. **მარინე კუპატაძის** და **დოდო კალანდაძის** ცეროდენები დატოვებენ პირველ მასწავლებელს და მე-5 კლასში გადასკუბდებიან.

დირექცია კმაყოფილია მანდატურების: **ლელა ხელიძის**, **მაკა ბინაძის** და **აჩიკო გირკველიძის** კეთილსინდისიერი



ნევრები: **ლელა გვაზავა**, **შორენა იმედაიშვილი**, **ლია გასიტაშვილი**, **რიტა ყიფშიძე**, **ფატი სამნიაშვილი**, **მარინე კუპატაძე**, **დოდო გურგენიშვილი**.

საბუნებისმეტყველო: **დ. ნულაია** (თავმჯდომარე), ნევრები: **ჟუჟუნა ხურციძე**, **თამარ შუბაშვილი**, **მარეხ მაჭარაშვილი**.

ესთეტიკური აღზრდა-ხელოვნების კათედრა: **ლიანა მიქელაძე** (ხელმძღვანელი), ნევრები: **მანანა ბაბუნაშვილი**, **ავთანდილ დარახველიძე**, **ნარგიზ ფერაძე**, **იამზე სიჭინავა**, **მარინე ქურციკიძე**.

ყველა კათედრას ჰყავს თავისი საამაყო აღმზრდელი, ოლიმპიადებში, კონკურსებში, სხვა ღონისძიებებში გამარჯვებული მოსწავლეები, აი, თუნდაც: **ანა კაჭკაჭიშვილი**, **მარი მაკასარაშვილი**, **ნუნი ნოზაძე**, **შოთა**

მუშაობით. ისინი ხომ სკოლის უსაფრთხოებისა და მტკიცე დისციპლინის დაცვის ფორპოსტზე მტკიცედ დგანან.

გალაკტიონი წერდა: „კიდევ ბევრი სადღეგრძელო დაგვრჩა დაუღვევლო“. ჩვენც ბევრი რამ კარგი დაგვრჩა უთქმელი ამ აღორძინებული სკოლის ნიჭიერ მოსწავლეებზე, შემოქმედ პედაგოგებზე. შემდეგისთვის იყოს!.

ახლა კი ერთი დღის შთამბეჭდავი შთაბეჭდილებებით დავემშვიდობოთ 106-ე სკოლას. შემოქმედ დირექტორს **თენგიზ გულორდავას**, ასევე დიდებული პედაგოგების ძალისხმევით აღორძინებული სკოლა მალე გაბრწყინდება და ჩადგება წარმატებულ, სახელოვან სკოლათა რიგებში.

# გაუპარჯოს ნიგნიერ თაობას!

მიჯანი: კითხვის უნარ-ჩვევების აღზრდა



კომპიუტერს უდიდეს სიკეთესთან ერთად პრობლემების შექმნაც შეუძლია. დიდებსა და პატარებს ლამის ნიგნი ხელიდან გაგვადგებიან. ერთმა მწერალმა ბრძანა: კომპიუტერი ზარმაცებისთვის, იოლად ფონს გასვლის მსურველებისთვის არის მოგონილი. ნიგნის კითხვას შრომა

\*\*\*  
დღეს ჩვენს სკოლაში ძალიან საინტერესო ღონისძიება გაიმართა დევიზით: „ჩვენ ნიგნის მეგობრები ვართ“. იგი ორი ნაწილისაგან შედგებოდა. პირველი ნაწილი დაეთმო უკვე ჩატარებული კონკურსის მონაწილეთა დაჯილ-

ვანების თეა აბუთიძისა და თეა არზიანის ხელმძღვანელობით. მოსწავლეებმა ჩვეული ოსტატობით, ნიჭიერად გააცოცხლეს სხვადასხვა ზღაპრის პერსონაჟები, საოცრად გაალამაზეს ეს მხატვრული ღონისძიება.



ჩვენი ბიბლიოთეკა ძალიან ამაყობს ამ აქტიური მკითხველებით. სკოლის დირექტორის ნუნუ ავაგუმაშვილთან ერთად ღონისძიებით მოხიბლულნი დარჩნენ თეა აბუთიძე – დირექტორის მოადგილე აღმზრდელით დარგში, თეა არზიანი – მუსიკის პედაგოგი, ხანა სებისკვერადე – ხელოვნების პედაგოგი, რომელმაც გატაცებით იმუშავა მოსწავლეებთან. სწორედ მათი ნამუშევრებით გაფორმდა ჩვენი მუსიკალური დარბაზი. ეს ესთეტიკური აღზრდის კერა.



სკოლის ბიბლიოთეკა მდიდარია სახელმძღვანელოებისა და მხატვრული ლიტერატურის მრავალფეროვნებით. შესვებულია სხვადასხვა გამომცემლობების მიერ გამოცემული ნიგნებით. სწორედ ჩვენი მეგობარი გამომცემლობების მუშაკები იყვნენ მოწვევულები ამ მეტად ლამაზ საზეიმო შეხვედრაზე. მაგალითად, „ბაკურ სულაკაურის გამომცემლობის“

სვიჩია (XII), ქართული ენისა და ლიტერატურის მასწავლებლები: მზია ბაკაშვილი და მანანა ყაველაშვილი, უცხო ენის პედაგოგები: თამარ გელენიძე, ლანა დანელია, მარიკა გოგიაშვილი, ნინო ქელბაქიანი, ლილი თულაშვილი, ნინო ბუნტურა. მათემატიკისა: ეკატერინე ჭიტაძე, ვაჟა მანგოშვილი, ნატო კუბაშვილი, თამარ იმედაძე

უამრავი წარმატებული და ღირსეული მოსწავლე აღიზარდა, რაც, სწორედ რომ, დირექტორის ნუნუ ავაგუმაშვილისა და შემოქმედი პედაგოგების დამსახურებაა.

თეა აბუთიძე, დირექტორის მოადგილე აღმზრდელით დარგში

სჭირდება. აგერ არ არის კომპიუტერი, შევეყოფ თავს ინდაურივით და, სულო და გულო, რა და რა ინფორმაციას მოვიპოვებ თავის შეუწუხებლად. მაგრამ, – იქვე დასძინა მწერალმა, – ვერ მოესწრება კაცობრიობა, რომ კომპიუტერმა ნიგნი, ჟურნალი, გაზეთი გააძეოს. ილიაც ხომ წერდა: „უნიგნოდ თვალთახედვის ისარი მოკლეა“.

დოებას. სკოლის ბიბლიოთეკამ მისი ხელმძღვანელის სვეტა კონჯარიას ინიციატივით სასწავლო წლის დასაწყისში გამოაცხადა კონკურსი და სწორედ დღეს გამოვლინდნენ გამარჯვებულები ორ ნომინაციაში. პირველი „საუკეთესო მკითხველი“ გაიმარჯვეს: პირველკლასელმა ნანა არჯვეანიძემ, მეორეკლასელმა თეა გაგუამ, მეოთხეკლასელმა ეკა გაბელიამ, მეექვსეკლასელმა ირმა შავლაძემ და მეთერთმეტეკლასელმა ციური ცერცვაძემ. „საუკეთესო მკითხველი მოსწავლის“ ნომინაციაში ასევე გაიმარჯვეს: მეხუთეკლასელმა მარი არაბულმა და მეთერთმეტეკლასელმა მათე ფიცხელაურმა. როგორც საუკეთესო მკითხველკლასებს, ასევე ინდივიდუალურად მოსწავლეებს გადაეცათ სამასობრო საჩუქრები (რა თქმა უნდა ნიგნები) და დიპლომები.

დაჯილდოების ცერემონიის დასრულების შემდეგ ჩვენმა პატარებმა (I, II და IV კლასები) წარმოადგინეს მუსიკალური სპექტაკლი გემოვნებიანი ხელო-



კულტურული მკითხველის, ნიგნიერი ახალი თაობის აღზრდაში უდიდესი მნიშვნელობა ენიჭება სკოლას, განსაკუთრებით სასკოლო ბიბლიოთეკას. ეს ყველაფერი შესანიშნავად ესმით კერძო სკოლა „ნუნუ ავაგუმაშვილის“ პედაგოგებს. მითუმეტეს სკოლას ბრწყინვალე, ნიგნადი ფონდით მდიდარი ბიბლიოთეკა აქვს. ამას წინათ ამ თემას მეტად ემოციური, საინტერესო ღონისძიება მიეძღვნა, რაზეც მოგვითხრობს თავის ჟურნალისტურად დახვეწილ წერილში სკოლის დირექტორის მოადგილე აღმზრდელით დარგში თეა აბუთიძე. გთავაზობთ მის სტატიას.

# დედამინის დღე – ჰრობლემების და მოსწავლეთა საფიქრალი



**დღეს**, ტექნოკრატისა და გლობალური დათბობის ეპოქაში, როცა დედამინის მთელი მოსახლეობა ფიქრობს, როგორ გადაარჩინოს დიდი საერთო სახლი, ბუნებრივია, ვერც ჩვენ, ქართველები ვიქნებით გულხელდაკრეფილინი. პრობლემებზე დაფიქრება და აკარგის გათავისება თითოეული მოქალაქის ვალია, მათ შორის მოზარდებისაც. სწორედ ამიტომ გახდა აქტუალური ქართულ საგანმანათლებლო სივრცეში 22 აპრილს დედამინის დღის აღნიშვნა.

ეს დღე 1970 წელს სენატორმა გეოლოგ ნელსონმა დააარსა მას შემდეგ, რაც სანტა ბარბარას საბადოდან ნავთობის დაღვრამ ოკეანის ბინადართა მასიური

განადგურება და გარემოს დაბინძურება გამოიწვია. ყოველწლიურად ამ დღის აქციაში 17000 ორგანიზაცია და მილიონობით ადამიანი ერთვება.

ამ უმნიშვნელოვანეს აქციას ორგანიზებულად, გონივრულად მომზადებული კონფერენციით შეუერთდნენ რუსთავის 23-ე საჯარო სკოლის მოსწავლეები, ფიზიკა-მათემატიკის პედაგოგ შორენა ბეიჭიაშვილის ხელმძღვანელობით.

ლონისძიება სკოლის დიდ სააქტო დარბაზში ჩატარდა და უამრავი მოსწავლე-მასწავლებელი დაესწრო.

დარბაზში დიდ ეკრანზე ვიდეოკადრებით გაშუქდა და სინ-

ქრონულად მოსწავლეთა კომენტარებით საინტერესოდ, ამომწურავად წარმოჩინდა თემები:

1. „მსოფლიოს ხე-ტყე – ბუნებრივი რესურსი“, რომელიც მე-X კლასელმა მოსწავლეებმა მარიამ ბუჩუკურმა და თამილა მაქაქემ წარმოადგინეს ფრიად დამაჯერებელი და ორიგინალური თხრობით.
2. „გლობალური დათბობა და სითბური ეფექტი“ – ეს თემა აირჩიეს აუდიტორიასთან წარსადგენად იმავე კლასის მოსწავლეებმა მარიამ შაორშაქემ, მირანდა ტარტარაშვილმა და გვანცა ლომინაშვილმა. შემზარავი ფაქტებისა და მოვლენების ამსახველი კადრების მიუხედავად, თემის ავტორებმა პოზიტიური მოსაზრებებით დაამშვიდეს აუდიტორია და ტაშიც დაიმსახურეს.

ლონისძიების ეკრანული ჩვენების ესთეტიურ ნაწილად იქცა თემა – „სტალაქტიტები და სტალაგმიტები“, რომლის გაჩენის, არსებობისა და სამომავლო არსებობის შესახებ დამაჯერებლად ისაუბრა მე-X კლასელმა გიორგი ფხალაძემ.

ღანა თედორაძემ და მარიამ ჩუქერაშვილმა ამომწურავად გააშუქეს თემა – „გამონაბოლქვი CO<sup>2</sup>“ და განსაკუთრებული ყურადღება შესაბამისი კადრებ-

ის მოხმობით მშობლიურ ქალაქ რუსთავზე გაამახვილეს.

დაბოლოს, „ნავსაყრელები და პრობლემები“ ამ თემასთან დაკავშირებით არამხოლოდ საქართველოში, არამედ მთელს მსოფლიოში ლეღვენ ადამიანები. მოსწავლეების მარიამ ტალახაძის, ელენე მასურაძის, ნინო ჯავახიშვილის მიერ წარმოდგენილი პრაქტიკულმა თემამ სერიოზული რეაქცია გამოიწვია აუდიტორიაში.

პრობლემის სიღრმემ ბევრი კითხვა გააჩინა, კითხვამ – ფიქრი, განწყობა და ემოცია, რაც, ბუნებრივია, ლონისძიების ავტორთა ჩანაფიქრი და მიზანი იყო.

ღიას, დღეს თითოეული მოქალაქის ვალია, უფროხილდებოდეს დედამინას იქ, სადაც ცხოვრობს და შრომობს, სადაც არსებობს, ზოგადად. და ამ მხრივ განსაკუთრებით ყურადსაღებია სისუფთავე, წესრიგი და მეორადი ნარჩენების გონივრულად დამუშავება-გამოყენება.

ლონისძიებაში მონაწილეობა მიიღეს კლასის დამრიგებლის, პედაგოგ ნათია ალექსიძის მეორე-კლასელებმა, რომელთაც მცირე მოცულობის პოეტური ნაწარმოებებით გაახალისეს აუდიტორია.

ყველაზე სახალისო და ლამაზი ამ აქცია-ლონისძიებაში ჯეო-არტის მიერ მშვენივრად შესრულე-

ბული სიმღერა „ნანატრი მინის სურნელი“ იყო, რომელსაც მთელი დარბაზი ეხმიანებოდა.

ლონისძიება შეფასდა სკოლის დირექციის მიერ, ხაზი გაესვა თემის აქტუალურობას და მოსწავლეთა დაინტერესებულობას ამ მნიშვნელოვანი საერთაშორისო აქციისადმი.

პედაგოგმა შორენა ბეიჭიაშვილმა, რომელიც ამ სკოლაში 9 წელია მუშაობს, დაადასტურა, რომ ასეთი კონფერენციის ჩატარებას თვითმიზანი და ამბიციურობა კი არ განსაზღვრავს, არამედ სასწავლო-საგანმანათლებლო-შემეცნებითი მიზნები, რათა ყველამ ერთად გავითავისოთ მიღწევებიც და გადაუჭრელი პრობლემებიც. ეს მოკრძალებული, მოსწავლეებისთვის საყვარელი პედაგოგი, ისე დამთავრდა ლონისძიება, რომ აუდიტორიასთან არც კი გამოჩენილა, სამაგიეროდ, მისმა მოსწავლეებმა აჩვენეს, რა ბევრი რამ იციან. ლონისძიების უშუალო მონაწილე და კოლეგის პარტნიორი იყო სკოლის კომპიუტერული მენეჯერი – თეა გუჯაბიძე. კონფერენცია დამთავრდა, კონფერენცია გრძელდება. ჩვენი სკოლა ასეთი საერთაშორისო აქციების ყოველდღიური მონაწილე იქნება პრაქტიკულად. ასეთი დასკვნა გააკეთა სკოლის დირექტორმა ლელა ახალაია.

# პროექტი – შინაურ ცხოველებზე



**რუსთავის** 23-ე საჯარო სკოლის პედაგოგები კარგა ხანია უკვე, რაც ერთმანეთს ახალი სასწავლო პროექტების განხორციელებით უწყვენ ღირსეულ პარტნიორობას. აქ ორივე დღის წინ უჩვეულო განწყობა ჰქონდათ მეორეკლასელებს. მათ სტუმრად სილნადის მუნიციპალიტეტის სოფელ ნუკრიანის II საჯარო სკოლის სოლომონის პედაგოგი ლია ნადირაშვილი და ამ სკოლის მოსწავლეები სტუმრობდნენ. სტუმრებისა და მასპინძლების შეხვედრას განსაკუთრებული მოტივაცია ჰქონდა.

ქართულსა და ბუნებაში სასწავლო პროგრამით ისწავლებიან რა ცხოველები, მეორეკლასელთა პედაგოგმა ნათია ალექსიძემ გადანიშნა მეგობრობის ხიდი გაედო სოფელსა და ქალაქს შორის და ყველას ერთად ჩაეტარებინათ გაკვეთილი თემაზე: „შინაური ცხოველები“. კლასის ყველა მოსწავლე აქტიურად ჩაერთო პროექტით გათვალისწინებული მასალის მოძიებაში – გამოცანები და ანდაზები ცხოველებზე, ლექსები და მოთხრობები მათ მოვლა-პატრონობაზე, თითოეული ცხოვე-

ლის დახასიათება, კიდევ უამრავი სხვა თემა გაშუქდა გაკვეთილზე არა მხოლოდ ვერბალურად, არამედ ნახატებით, სიმღერებით, ეკრანულად.

მეორეკლასელებმა პროექტის მომზადებისას უამრავი რამ ისწავლეს, გარდა ამისა, მოძიებული მასალით შექმნეს ე. წ. ენციკლოპედიური ნიგნი (ტექსტებითა და ნახატებით) შინაურ ცხოველებზე, რომელსაც მშობლიურ სკოლას დაუტოვებენ სახსოვრად.

სტუმრებმა ნუკრიანიდან შეავსეს და გაამდიდრეს გაკვეთილი სუბიექტური მოსაზრებებით, ისაუბრეს სოფელი ბავშვების დამოკიდებულებაზე ცხოველებთან.

გაკვეთილის დამთავრების შემდეგ – ყველამ ერთად დაათვალიერა ე. წ. აკადემიური ქალაქი შეეჩენკოს ქუჩაზე, სადაც საქართველო-უკრაინის სოციალურ ურთიერთობათა ინსტიტუტის რუსთავის სასწავლო ცენტრის ყველაფრით სრულყოფილი ბაზა მუშაობს ყველა საფეხურის მოსწავლისათვის. გოგო-ბიჭებმა იხალისეს სპორტულ დარბაზში, ივარჯიშეს ტრენაჟორებზე,

ნახეს ახალი მერხები, დაათვალიერეს ამ ეზოში ნამდვილი დიდი თვითმფრინავი, ბოლოს მცირე წვეულებაც გამართეს, გადაიღეს სამახსოვრო ფოტოები და დაემშვიდობნენ ერთმანეთს.

გადაწყდა, რომ მომავალში ნუკრიანელები თავად უმასპინძლებენ რუსთაველ მოსწავლეებს და მეგობრობაც გაგრძელდება.

ლონისძიების მონაწილე მშობლებმა, სკოლის დირექციის წარმომადგენლებმა და პედაგოგებმა ყველამ ერთად სიამოვნებით აღნიშნეს, რომ ეს ორიგინალური გაკვეთილი მხოლოდ ცოდნის და განსაკუთრებული უნარ-ჩვევების დაუფლების გაკვეთილი არ იყო.

იაკობ გოგებაშვილის მედალოსნის, გამოცდილი პედაგოგის ნათია ალექსიძის პროექტი მიზნად უფრო მთავარს ისახავდა: დღეს, როცა ასე აქტუალური გახდა მთელს ჩვენს ქვეყანაში ცხოველთა მოვლა-პატრონობა, მათი კანონზომიერი გამრავლება, ზრუნვა და მეთვალყურეობა, რაღა თქმა უნდა, ამ პრობლემის არსის

წდომას მცირე ასაკიდანვე უნდა ახერხებდნენ პატარები. მათ ბავშვობიდანვე უნდა ჰქონდეთ გათავისებული შინაური ცხოველების მიმართ პოზიტიური დამოკიდებულებები, რადგან ცხოველების გარეშე წარმოდგენილი იქნება ადამიანების არსებობა. „– ჩვენ ადამიანებს – კანონი გვიცავს, ცხოველებს კი – ჩვენ და წითელი ნიგნი უნდა ვიცავდეთ!“ – ასეთი სლოგანი შეიმუშავეს პატარებმა და თავიანთი კლასის შთაბეჭდილებათა ნიგნშიც თავიანთი მცირე მოსაზრებები ჩაწერეს.

...ნათია ალექსიძე კი, რომელიც, ვინ იცის, ხანგრძლივი პედაგოგიური მოღვაწეობის მანძილზე, მერამდენედ ატარებდა ასეთ საჩვენებელ გაკვეთილს, თავისი მოსწავლეების სიხარულით ხარობდა და ბედნიერი განწყობით ეფერებოდა თითოეულს. იგი რუსთავის განათლების სისტემის წარჩინებული პედაგოგია და თავად ხელმძღვანელობს ბევრ სასიკეთო ნაწარმოებს ქალაქის საგანმანათლებლო სივრცეში.

# ნიგნითა და ნიგნიერებით

**რუსთავის** საბიბლიოთეკო ქსელი უამრავი ბიბლიოთეკით, მალაპროფესიონალი ბიბლიოთეკარებით და წიგნის მდიდარი ფონდით რუსთაველებსთვის თავმოწონების საბაზია. აქ, როგორც წლების წინ, ისევ მრავლდება მკითხველი, ისევ სასვეს სამკითხველო დარბაზები ნიგნით და პერიოდული გამოცემებით დაინტერესებული ადამიანებით, ისევ იმართება უამრავი საინტერესო ლონისძიება... შემთხვევით არ არის, რომ ბიბლიოთეკებს რუსთაველებმა ოაზისები შეარქვეს, სადაც ათასი პრობლემით შეჭირვებულნი, ნამდვილად იბრუნებენ სულს.

და რა გასაკვირიც არ უნდა იყოს, კომპიუტერით ასე თვე-მომზებრებულ ეპოქაში, საბიბლიოთეკო ქსელს, ძირითადად მოსწავლეები და ზოგადად, განათლების სისტემის მუშაკები აკითხავენ.

ბოლო ერთი კვირის მანძილზე ჩატარებულ ბიბლიოთეკის ტრადიციულ კვირულში ქალაქის თითქმის ყველა სკოლის მოსწავლეები ჩაერთვნენ. სხვადასხვა ლონისძიებები ქსელის ყველა ბიბლიოთეკაში ჩატარდა თვით მოსწავლეთა სურვილებისა და ინიციატივების გათვალისწინებით.

კვირულის საინტერესო დღედ იქცა ლონისძიების დახურვა, რომელსაც გუბერნიის, ქალაქის მერიისა და საკრებულოს წარმომადგენლებიც ესწრებოდნენ. საღამოს საბიბლიოთეკო ქსელის ხელმძღვანელი თეა ყვანია უძღვებოდა. აღინიშნა, რომ გასული წლის განმავლობაში 111 პროექტი და ლონისძიება ჩატარდა და ყველა ობიექტში. პროექტები:



# ეროვნული სწავლებისათვის

**რუსთავის** კერძო სკოლა „მზესაბანო“ ქართული ენის კვირეულის ჩატარება უკვე ტრადიციად იქცა და იგი მოსწავლე-ახალგაზრდობის ეროვნული ცნობიერების ამაღლებას ისახავს მიზნად. წლიდან წლამდე კვირეულის ღონისძიებები იხვეწება და უფრო მეტ მონაწილეს იძენს. ტრადიციად ისიც, რომ კვირეულს პროფესიით ფილოლოგი, დირექტორის მოადგილე სასწავლო დარგში **ლამარა ბარბაქაძე** უწევს კოორდინირებას ისეთ მაღალორგანიზებულ და ესთეტიურ დონეზე, რომ ყველა ალფრთოვანებული რჩება.

კვირეულს უპირველეს ყოვლისა სასწავლო-საგანმანათლებლო დატვირთვა აქვს და სხვადასხვა კომპონენტს მოიცავს, ისეთს, რომელშიც აქტიურად ერთვებიან პედაგოგებიც და მოსწავლეებიც და სხვათა შორის, პედაგოგთა პროფესიული განსხვავებების მიუხედავად, კვირეულის მაღალ დონეზე მომზადებისთვის ქართული ენის კათედრასთან ერთად მთელი სკოლა ზრუნავს.

20-დან 25 აპრილამდე ყოველი დღე საინტერესო იყო. ქართული ენის კვირეული საზიაროდ სკოლის სააქტო დარბაზში გაიხსნა. იქ, სადაც წინასწარ გამოიფინა თემატური კედლის გაზეთები, ფოტოკადრები, ამონარიდები ლიტერატურული ნაწარმოებებიდან, კალიგრაფიული ნიმუშები და რაც ყველაზე მთავარია, ცალკე თაროზე საგანგებოდ გამოიფინა მოსწავლე-მასწავლებელთა მიერ მოძიებული „ვეფხისტყაოსნის“ 37 გამოცემა...

სამეცნიერო კონფერენციაზე – „ილია ჭავჭავაძე – ქართული ენის

რეფორმატორი – წარმოდგენილ იქნა 4 თემა – „ილია ჭავჭავაძე – ქართული ენის რეფორმატორი“, „მამათა და შვილთა ბრძოლა“, „ილია ქართული ენის შესახებ“, „ილია – ახალი ქართული მწერლობის ფუძემდებელი“, „ილია ჭავჭავაძე ენისა და მამულის შესახებ“ და დიდი გაკვეთილი. სამეცნიერო კონფერენციის მონაწილენი იყვნენ ქართული ენისა და ლიტერატურის პედაგოგები **სათუნა პაქაშვილი, ხატია ნადაშვილი, ნაირა ქავთარაძე**, მოსწავლეები **დიანა მახათაძე, გიორგი პაპუნაშვილი** და **გიორგი გოლოძე**.

პირველიდან – მე-8 კლასის მოსწავლეებმა მოაწყვეს ფოტოგაზეთების გამოფენა.

„ვეფხისტყაოსნის“ კალიგრაფიის კონკურსში მონაწილეობა მიიღეს მოსწავლეებმა: **ნათია რაზმაძემ, სალომე მჭედლიძემ, ლანა ჭიკაძემ, ინგა კიკნაველიძემ** და **დიანა მახათაძემ**. ამავე კლასის მოსწავლეების მონაწილეობით ჩატარდა სწრაფი კითხვის კონკურსი, IX–X კლასელებმა ერთად ჩაატარეს ლიტერატურული ვიქტორინა.

22 აპრილს მე-9 კლასელებმა პედაგოგ **სათუნა ჩილუნაძესთან** ერთად ჩაატარეს კინოგაკვეთილი თემაზე: დავით გურამიძის „დავითიანი“.

კვირეულის დიდი ნაწილი „ვეფხისტყაოსნის“ კითხვას, გამოცემების გამოფენას და კალიგრაფიული ნიმუშების გაცნობას დაეთმო. მოსწავლე-მასწავლებელთა ყველაზე დიდი ჩართულობაც სწორედ შოთა რუსთაველის პოემამ გამოიწვია. პოემიდან ამონარიდები ქართულად, ინგლისურად, გერმანულად და რუსულად გაჟღერდა პედაგოგების **ლიანა ლომიძისა და მკაე თითმერას** მიერ. 100 სტრიქონზე მეტი ტექსტი ნაიკითხვის ღონისძიების მონაწილეებმა, რითაც ხაზი გაესვა ამ პოემის აქტუალობას და პოეზიის, როგორც ეროვნული ღირებულების, უზადოობას.

კვირეულის აპოგეად იქცა **პედაგოგ ხატია ნადაშვილის** მიერ მომზადებული მინი სპექტაკლი „ნატურის ხე“ გოგლა ლეონიძის მოთხრობების მიხედვით. ამ თეატრალური წარმოდგენის ყველა მონაწილე მე-5, მე-6 და მე-7 კლასებიდან, შესაფერისი კოსტიუმებით და განწყობილებით, იმდენად დაზაფერებულნი და სცენურები იყვნენ, რომ ალფრთოვანეს აუდიტორია:

– დღეს, როცა ჩვენი ქვეყნისა და ქართული ენის მიმართ ასეთ დიდი დაინტერესებას იჩენენ აქ შემოსული უცხოელებიც კი, ყველა ჩვენგანი ვალდებული ვართ, ვუფრთხილდებოდეთ, ვეფერებოდეთ და ჩველიდეთ ჩვენს ძირველ ენას. ჩვენი სკოლის მოსწავლეები თავად იჩენენ აქტივობას ასეთ ღონისძიებებში მონაწილეობისთვის, მათ მადლობის მეტი არაფერი ექმნით, – აღნიშნა ღონისძიების ორგანიზატორმა, დირექტორის მოადგილემ, პედაგოგმა **ლამარა ბარბაქაძემ**, ვისი ლიტერატურული და თეატრალური გემოვნებითაც მომზადდა მთლიანად კვირეული.

ღონისძიება შეაჯამა და ყველა მონაწილეს მადლობა გადაუხადა სკოლის დირექტორმა **ბელა ჯანაძემ**. მან სიტყვებითა და დიპლომებით დააჯილდოვა აქტიური მონაწილეები.

**მე-5 გვირგვინი**

„ნიგნისა და ბიბლიოთეკის სიყვარული თანამედროვე ინოვაციური მეთოდებით – კლასიკა და თანამედროვეობა“, „მობილური საბავშვო ბიბლიოთეკა ბავშვებისა და მოსუცებისათვის“, „მე მიყვარს ნიგნი“ – სასკოლო ასაკის ზედა საფეხურის მოსწავლეებისთვის, საქველმოქმედო ღონისძიება – „სურვილების სკვირი“ ბავშვებისათვის, ინგლისური ენის კვირეულები მკითხველთან და უცხოელ მოხალისეებთან ერთად, მუდმივი შეხვედრები მწერლებთან და შემოქმედებით ინტელიგენციასთან, ტრენინგ-პროგრამები, საზაფხულო კითხვის კონკურსები, შეჯიბრებები, საზაფხულო ყურნალისტიკის კურსები მოზარდებისთვის, გამოფენები, სამოქალაქო-საზოგადოებრივი კლუბების მუშაობა და უამრავი სხვ. სწორედ რომ მოზარდი თაობის წინგინერებისთვისაა გათვლილი და ამ ყველაფრის მიღმა, რათქმუნდა ბიბლიოთეკართა დაუღალავი ძალისხმევით.

სააქტო დარბაზში, სადაც ღონისძიება ტარდებოდა, ვიდურობოვებით მუქდებოდა ფაქტები და მოვლენები, რაშიც აქტიურად იყვნენ ჩართულნი საჯარო თუ კერძო სკოლების მოსწავლე-მასწავლებლები, ნიგნისმოყვარულნი, ზოგადად.

ფაქტი, რომ 2014 წელთან შედარებით 2015 წელს, შესაბამისად 4 თვის მონაცემებით, 3-ჯერ გაიზარდა მკითხველთა რიცხვი, ბევრისთვის მთავარი და მასაც ადასტურებს, რომ საბიბლიოთეკო ფონდი მუდმივად განახლებული ახალი სამეცნიერო

თუ მხატვრული გამოცემით, უამრავ სტუდენტსა და სპეციალისტს იზიდავს.

ღონისძიებას, რომელსაც ნამდვილად ჰქონდა საზიაროდ ელფერი, ესწრებოდა საქართველოს კულტურის, სპორტისა და ტურიზმის პროფკავშირის კომიტეტის თავმჯდომარე **ციცო ჯაფარიძე**, რომელმაც თავის გამოსვლაში ხაზი გაუსვა საბიბლიოთეკო ქსელის ხელმძღვანელის **თაა ყვანას** მაღალპროფესიონალიზმს, სიასხელებისადმი აქტიურ დამოკიდებულებას და ორგანიზატორულ უნარს, სტუმარმა მადლობა გადაუხადა ქსელის ყველა თანამშრომელს, ხოლო ქალაქის ხელმძღვანელობას კიდევ ერთხელ შეახსენა, რომ ამ დარგში მომსახურე ბიბლიოგრაფებით მთელი ქალაქი უნდა ამყოფდეს.

ღონისძიებაზე პროფკავშირის კომიტეტის თავმჯდომარემ ფასიანი საჩუქრებით და სპეციალური დიპლომებით დააჯილდოვა მთავარი ბიბლიოთეკა და მისი ოთხივე ფილიალი.

წლის საუკეთესო ბიბლიოთეკარებად კოლეგებმა დაასახელეს **ლელია ხარბედა, ელენე ბეჟანიშვილი, ნინო ტაბატაძე, ქეთევან მამულაშვილი, ნაზი შერმაღანი, თამარ მესხი, თამარ მაისურაძე**.

ახლო მომავალში ისევ მოსწავლე-ახალგაზრდობისთვის გათვლილია ლიტერატურული კავის მონაწილეობა და საგანმანათლებლო ობიექტებთან ინტენსიური ურთიერთობა, რადგან ნიგნისა და ნიგნისთვის გარეშე მომავალი თაობების აღზრდა, წარმოუდგენელია.

# გაუქმობა - ახალი სასწავლო ტექნოლოგიებით



**რომორც** ქართველი განათლების სისტემის მუშაკებისთვის ცნობილია სამოქალაქო განათლების ორი ვებპორტალი Civics.GE და Initiatives.GE შეიქმნა 2010 წელს სამოქალაქო განათლებისა და პედაგოგთა გადამზადების პროგრამის ფარგლებში PH internatonal-ის მიერ აშშ საერთაშორისო განვითარების სააგენტოს დაფინანსებით.

ვებპორტალის მხარდაჭერას 2014 წლიდან უზრუნველყოფს პროგრამა „მომავლის თაობა“. ვებპორტალის მიზანია საზოგადოებრივი ცნობიერების ამაღლება სამოქალაქო განათლების შესახებ. სწორედ „მომავლის თაობის“ პროექტში ჩართულ რუსთავის მე-6 საჯარო სკოლაში კიდევ ერთი საინტერესო გაკვეთილი ჩატარდა სამოქალაქო განათლების საგნის გამოცდილმა პედაგოგმა, პროფესიით იურისტმა, მეცნიერმა **ვაჟა ქარუნაშვილმა**, ქვემო ქართლის რეგიონის შვიდივე რაიონის სამოქალაქო განათლების იმ მასწავლებელთა თანდასწრებით, რომლებიც ასევე ჩართულნი არიან პროექტში – X კლასელებთან ჩატარებული გაკვეთილის თემა იყო: „რას აძლევს მოქალაქე – საზოგადოებას და საზოგადოება – მოქალაქეს“. გაკვეთილი ინტეგრირებული იყო

გეოგრაფიის საგანთან, რომელსაც სერთიფიცირებული პედაგოგი **სათუნა ფირფიტაშვილი** უძღვებოდა. წარმოდგენილ იქნა მინი ლექცია მსოფლიოს განათლების გეოგრაფიის შესახებ. კერძოდ, საქართველოს დონე და იუნესკოს განათლების ხელმისაწვდომობის შეფასების კრიტერიუმები. თემის განხილვაში აქტიურ მონაწილეობას იღებდნენ მე-10 კლასელები. მათ გაიაზრეს და განაზოგადეს მიღებული ცოდნა, ორგანიზება გაუკეთეს ინფორმაციას და გამოთქვეს კომენტარები.

გაკვეთილის მეორე ნაწილში სასწავლო მიზნად იქცა: მომავლის დაგეგმვა და თვითშეფასება, პირადი და საზოგადოებრივი პასუხისმგებლობის გამოხატვა, კვლევა და ფიქრი მომავალ პროფესიაზე, საკუთარი საქმიანობის კრიტიკულად შეფასება, ცხრილის შედგენა მიზნების მიღწევის პერიოდების გათვლით, კლასში თანამოაზრეების გამოვლენა.

მიზნების შესაბამისად განისაზღვრა ეროვნული სასწავლო გეგმით გათვალისწინებული მიღწევების ინდიკატორები.

თემის სრულყოფილად გაშლისა და შესწავლისთვის 10 აქტივობა იქნა გამოყენებული. მოსწავლეებმა ერთად უყურეს ფილმიდან

„სამოთხის გვრიტები“ – ნაწყვეტს და მოახდინეს სრულყოფილი ანალიზი.

დაიყვინნ ჯგუფებად და წარმოადგინეს პრეზენტაცია განათლების ყველა საფეხურის შესახებ.

იმსჯელეს საკუთარი ადგილის დამკვიდრებაზე საზოგადოებაში. მოსწავლეთა ჯგუფებმა წარმოადგინეს თავიანთი ხელით შექმნილი ე. წ. პროფესიული განათლების გვერდები: ჟურნალისტიკაში, მედიცინაში, იურის-პრუდენციაში, პოლიტიკაში...

უყურეს ვიდეორგოლს ამერიკელი მოსწავლის **ჯეკ ანდრასის** და თბილისელი მოსწავლის **ლუკა ირემაშვილის** შესახებ.

მოსწავლეებმა მოახდინეს თვითშეფასება ძლიერი და სუსტი შესაძლებლობების შესახებ. მოსმინეს მინი ლექცია.

ჯგუფებმა წარმოადგინეს პრეზენტაცია ევროკავშირის შექმნის შესახებ და 10 მითი საქართველო – ევროკავშირის ასოცირების ხელშეკრულების შესახებ. ისაუბრეს – რას მოუტანს ევროკავშირის ხელშეკრულება საქართველოს განათლების სისტემას.

გაიმართა დისკუსია – სჭირდება თუ არა სამშობლოს სიყვარული განათლება და ბოლოს სუგანგებოდ იქნა განხილული და აღსაზრდეს გამოცემული დამხმარე

სახელმძღვანელო „როგორ გაცხდე აქტიური მოქალაქე“, რომლის მიმართ ერთსულოვანი მოწონება გამოითქვა.

საშინაო დავალებად მოსწავლეებს მიეცა თემა: „მე, საქართველოს მოქალაქის მომავალი და ევროკავშირი“.

გაკვეთილის ბოლოს მოხდა მოსწავლეთა შეფასება.

ახალი, თანამედროვე სასწავლო-ტექნოლოგიით ჩატარებული გაკვეთილით ბევრი რამ ისწავლეს რეგიონის ქართული და არაქართული სკოლების პედაგოგებმა.

მე-6 საჯარო სკოლის მე-10 კლასელები კი იმდენად ბუნებრივები, ღრმად მოფიქრალნი და საინტერესო ორატორები იყვნენ, რომ მასწავლებლებს წამდვილად უწევდნენ ღირსეულ პარტნიორობას.

საგანმანათლებლო რესურსებად გაკვეთილზე გამოყენებულ იქნა: ვიდეორგოლი „საქართველოს და ევროკავშირის ასოცირების ხელშეკრულება“ მხატვრული ფილმი – „სამოთხის გვრიტები“ (ნაწყვეტი), ნიგნი „საქართველოს გზამკვლევი“ და 10 მითი საქართველო-ევროკავშირის ასოცირების შეთანხმების შესახებ.

მასწავლებლებმა ნალკიდან, ბოლნისიდან, დმანისიდან, თერთი წყაროდან, რუსთავიდან,

მარნეულიდან და გარდაბანიდან მადლობა გადაუხადეს სხვადასხვა პროექტებში მრავალგზის გამარჯვებულ, მაღალინტელექტუალურ პედაგოგს **ვაჟა ქარუნაშვილს** თანამშრომლობისთვის და ხაზი გაუსვეს სამოქალაქო განათლებისა და პედაგოგთა ფორუმის პროგრამის ქვემო ქართლის რეგიონულ კოორდინატორს, რუსთავის მე-15 საჯარო სკოლის სამოქალაქო განათლების პედაგოგს **ლია ლულუნიშვილს** ამ გაკვეთილის მაღალ დონეზე ორგანიზებისათვის.

სკოლის დირექტორმა **ნაირა ქარუნაშვილმა** სტუმრებსა და მასპინძლებს მცირე მასშტაბის მოკრძალებულ წვეულებაზე მადლობა გადაუხადა ობიექტური და სუბიექტური მოსაზრებებისთვის და მიიღო გადაწყვეტილება, რომ აქტიური მოსწავლეები დააჯილდოვოს დიპლომებითა და სიგელებით.

P.S. საგაზეთო მასალის მომზადებაში დახმარებისათვის ავტორი მადლობას უხდის მე-10 კლასის თექვსმეტივე მოსწავლეს, მომავალ პოლიტიკოსებს: **ნათია ხინთიბიძეს, გიორგი გამიარჯაშვილს, გიორგი გამიარჯაშვილს, ლიკა ბუბიაშვილს, ელიკა ისმაილოვას**. მომავალ იურისტებს: **ნინო ჩიხაძეს, მარი მაისურაძეს, ნინო ნოზაძეს, გიორგი ნადირაძეს**, მომავალ მედიკოსებს: **თინა გოგოლაძეს, გიორგი დვალიძეს, მაიკო ზაქარაიშვილს, ანა მჭედლიშვილს**. განსაკუთრებულ მადლობას უხდით მომავალ ჟურნალისტებს: **თორნიკე ხოკერაშვილს, მონიკა ჩეკნიშვილს, ნინა ჩეკნიშვილს, მიმიკო ტეტუნაშვილს** და **შალვა გიგაურს**, რომელთაც უმუშაოდ მიიღეს მონაწილეობა ამ საინფორმაციო საგაზეთო პუბლიკაციის შექმნაში.

გვერდების ავტორი **ლია მარტაშვილი**



# ბედნიერია ბავშვობა თქვენი

ღმერთმა დაგლოცით, 172-ე ბაგა-ბაღალეზო!



ამ ბაგა-ბაღზე საუბარი მისი ისტორიით უნდა დაიწყოთ, თუნდაც იმიტომ, რომ დამფუძნებელი ცეროდენების ამ ზღაპრული სამყაროსი, ლეგენდარული პედაგოგი **ლალა აფაქიძე** დღესაც ჭაბუკური გატაცებით აქ ტრიალებს. იგი იმ პლედის სახელოვანი წარმომადგენელია, როგორც არიან: **ნელი კეპულაძე, მაყვალა ჩუბინიძე, ზაირა კურტანიძე, თინა მაისურაძე** და მრავალი სხვა.

– ოცდაათი წლის წინათ, აქ ჯანდაცვის სამინისტროს ბარაკის ტიპის ბაგა იყო განთავსებული. ორი კინილა ხე იდგა. **ლალა აფაქიძის** თავდადებით ორსართულიანი შენობა აიგო, ინფრასტრუქ-

ტურა მონესრიგდა და დღეს ტანაშოლტილი ნაძვებიც შრიალეხს, ეზო სპორტული სათამაშოებითაა გაჯერებული, შიგნით ყველგან თოჯინები იცინიან, ოთხის მაგივრად ცხრა ჯგუფია.

ახლახან „მწვანე აქცია“ ჩავატარეთ, ბალის ეზო 16 ნარგავით შევავსეთ, – ამბობს ქალბატონ ლალას ღირსეული მემკვიდრე, დირექტორი **თამარ გობეჩია**, თამარი ამ ბაგა-ბაღისთვის ხედგამოჭრილი ხელმძღვანელი გახლავთ – პედაგოგა და პედაგოგზე უკეთეს დირექტორს ბაგა-ბაღისთვის ვინ ინატრებს? ცეროდენებზე უზომოდ შეყვარებული თამარი, სამი შვილისა და ოთხი შვილიშვილის აღმზრდელი, ალერსიანი, ტკბილმოუბარი, თანამშრომლების კეთილი მეგობარია.

ცეროდენების აღზრდა-სწავლებისთვის აქ ბრწყინვალე პირობებია შექმნილი, ამიტომაც მივმართავთ მათ: ბედნიერია ბავშვობა თქვენი.

30 წლის დირექტორად ნალვანი **ლალა აფაქიძე** თავის მდიდარ გამოცდილებას უშურველად უზიარებს აღმზრდელებს. და სხვა თანამშრომლებს, საგანმანათლე-

ბლო პროგრამების სანიმუშო კოორდინატორია (მეთოდისტი). მერიის ბაგა-ბაღების სამსახურის სააგენტოს უფროსი **თემურ თორდინავა**, რომელიც აქ გამწვანების აქციას ესწრებოდა, დიდად კმაყოფილი დარჩა მთელი კოლექტივის მუშაობით. მართლაც რომ მეგობრულად, შემოქმედებითად, მაღალ შედეგებზე ორიენტირებულად მოღვაწე გუნდი ჰყავს ბაგა-ბაღს. საერთოდ წარმატებაში დიდი წვლილი მოუძღვის დირექტორის მოადგილეს, გამოცდილ პედაგოგს **ნინო ლომიძეს**.

დირექცია დიდად აფასებს შრომისმოყვარე, ენერგიულ სამეურნეო ნაწილის კოორდინატორ **იზოლდა კვირიკაშვილს**. მუდამ აკურატულად მომუშავე საქმისმწარმოებლები: **მანანა კვარაცხელია** და **დარეჯან ჩიტყვილი** ბაგა-ბაღის წამდელი სული და გული არიან. მუდამ წესრიგში აქვთ დოკუმენტაცია და აღრიცხვიანობა.

ცეროდენების კვების, ჰიგიენის, ჯანმრთელობის საქმე საიმედო ხელშია, გამოცდილი ექსპერტი **როზა ავაზაშვილი** ბავშვთა უსაფრთხოების საკითხს დიდი პასუხისმგებლობით ეკიდება. თავად ექიმი და მისი კეთილმოწყობილი კაბინეტი ამის სრულ გარანტიას გვაძლევს.

ყველაზე მთავარი მაინც სწავლა-აღზრდა და ნორჩებში უნარ-ჩვევების ჩამოყალიბებაა. ამ მხრივ კი ცოცხალი, შემოქმედებითი მუშაობა ჩქეფს. ნიჭიერთა დაკვალიანებას, მომავალი თაობის ჩამოყალიბებისკენ არის მიმართული, გატაცებით მოღვაწე აღმზრდელთა ძალისხმევა. ამიტომ იზრდება აქ ასე მრავლად ნიჭიერი, ჭკვიანი, შემოქმედებითი აქტივებისკენ მიდრეკილი ცუგრუმელები: მომავალი მომღერლები, მხატვრები, მოცეკვავეები, მოაზროვნენი. ბავშვთა მეტყველების კულტურის დასახევნად ბევრს მუშაობს ლოგოპედი **ლელია ძლიერიშვილი**.

და აჰა, ნორჩების სულთა გამფაქიზებელი, მათი ხელოვნების სიყვარულით აღმზრდელი, ბაგა-ბაღის ცხოვრების გამხალისებელი მუსიკის პედაგოგები: **ნელი ჩიტაძე** და **ქეთევან გულიაშვილი**,



ცეკვის მასწავლებლები: **თინა ქარქაშაძე** და **მედეა მეტონია**. მაღლობა თქვენ, ცუგრუმელების გულის გამხარებელი, ყველა ზეიმ-კონცერტის სულისჩამდგმელებო, რომ ასე ღამაზე ბაგა-ბაღის ცხოვრებას.

და მაინც ყველაზე დიდი მაღლობა ბავშვებზე თავდადებით მზრუნველ აღმზრდელ-პედაგოგებს, მათ თანამშემეებს: **ციცინო სახვაძეს, ნანი ბალაშვილს, ლია ივანიშვილს, ნინო ბოჭორიშვილს, ნანა დათუნაშვილს, თამილა ზედანიას, ეკა შიშინაშვილს, ეკა კვარაცხელიას, გულნაზ მჭედლიძეს, თეა ლელაძეს, ნანა ნინიაშვილს, თამილა ნიკლაურს**, თამაშმეებს: **სოფო ლეკიშვილს, ზინა ტატანაშვილს, ზინა ლლონტს, მზია ბეჭაურს, თეა თავაძეს, ნატალია ჭყონიას, ნატალია ლვინჯილას, მია არჯაკელს, ინგა გუგუშაშვილს**.

დაგელოცოთ მარჯვენა! ცეროდენებო, ისევე გიმეორებთ, ბედნიერია თქვენი ბავშვობა ამათ ხელში.

დირექტორმა **თამარ გობეჩიამ** მაღალი შეფასება მისცა მზარეულების: **მარინე მანველიძის, ყუყუნა ჯიქიას, დამხმარე ლელა ჩიტაიას** შრომას. არა თუ ცუგრუმელებს,

დიდებსაც ძალიან იზიდავთ მათ მიერ მომზადებული არომატული, ყუათიანი კერძები.

მაისს ვარდობისთვის ეძახიან და აჰა, ისიც – სილამაზის და სიყვარულის ზეიმი! ხალისიანი განწყობილებით ასამაღლებლად მოგმართავთ ალიო მირცხულავას სტრიქონებით: „მოქრის მერცხალი, როგორც შურდული, მინას ესობა თავქვე თამაშით, ბაღში ფოთლებმა მორთეს ჟღერტული, გაზაფხულია ჩვენს ქვეყანაში!“

ვარდ-ყვავილების მეჯლისს გილოცავთ, 172 ბაგა-ბაღელებო!

ბორის ხარმბაშა



## სითხო და ალერსი რამდენის გინდათ

გამარჯობათ, 209-ე ბაგა-ბაღალეზო!



**ზაფხუ** ფონიჭალის დასახლებაში 209-ე ბაგა-ბაღი მარგალიტივით ბრწყინავს. დედაქალაქის გარეუბნის ბაგა-ბაღებს შორის იგი ერთ-ერთი საუკეთესოა. სიმწვანით დაბურულ ეზოში კობხად ჩასკუპებულა ლამაზი შენობა. ვრცელი ეზო სპორტული სათამაშოებით არის გაჯერებული.

მეტი რაღა უნდათ ცეროდენებს? მათ ხალისიან ჟივილ-ხივილს რომ უყურებ, გული სიამით გევსება და ბავშვობას ინატრებ, იქნებ წამოიძახო კიდევ: „ჰეი, ბავშვობის დღეებო, დაბრუნდებოდეთ, ნეტავი!“ შიგნით შეხვალთ და უფრო უკეთესი: ყველგან სისუფთავე, აკურატულობა, თოჯინების სიმრავლე და ზღაპრული სამყარო.

ინფრასტრუქტურაზე საუბრით თავს არ შეგანწყენთ, რადგანაც იგი ყოველმხრივ მონესრიგებულია. გახარებული არიან ბავშვები. კმაყოფილი არიან მშობლები და ხომ ესაა მთავარი.

აქ სასწავლო-აღმზრდელი-ბითი პროცესი მაღალ დონეზეა ორგანიზებული. თანამშრომელთა შემადგენლობა გუნდური პრინციპით მოქმედებს, მათ შორის ურთიერთდაფასების, მეგობრობის ატმოსფერო სუფევს.

ბაგა-ბაღის დიდი დიასახლისი

ანუ დირექტორი გახლავთ ბავშვებზე საოცრად შეყვარებული, თანამშრომლების დამფასებელი პედაგოგი **როზა კობახიძე**, რომელიც უკვე 8 წელია წარმატებით იღვწის ამ დანსებულების გაბრწყინებისათვის.

იგი დიდი დამფასებელია წინამორბედთა ღვაწლისა. საერთოდ ბაგა-ბაღში „წარსულისადმი ნდობა-პატივის“ გაგება მაღალ რანგშია აყვანილი.

პატივის სცემენ და მაღლობას უხდიან ღვაწლმოსილ, ამადარ პედაგოგებს. **როზა კობახიძემ** სიყვარულით ასხენა და მაღლობა გადაუხადა დამსახურებისათვის ამ ბაგა-ბაღის პირველ დირექტორს **ციხარო ჭანტურიძეს**, რომელიც დღესაც მწყობრშია, აღმზრდელად მუშაობს და მდიდარ გამოცდილებას ახალგაზრდა პედაგოგებს უზიარებს.

გავიცანით ნიჭიერი, ენერგი-



ული, შემოქმედებითად მოღვაწე პედაგოგი, საგანმანათლებლო პროგრამების კოორდინატორი (მეთოდისტი) **ნინო გიორგაძე**. იგი ხომ აღმზრდელბებთან ერთად სული და გულია ბაგა-ბაღისა. მისი ორგანიზებით მეთოდური მუშაობა მწყობრად, წარმატებით მიმდინარეობს. სასწავლო-აღმზრდელი პროცესში პრი-

ორიტეტულია: მეცადინეობები, თამაშები, ლია ცისქვეშ გართობები (ზეიმს ტერმინ „გართობას“ ამჯობინებს). მაღალ დონეზე ეწყობა ბავშვთა ნამუშევრების დათვალეერება, ლია კარის დღე, მხიარული სტარტები და სხვა.

ბაღში ჰყავთ განსაკუთრებული საჭიროების მქონე ბავშვი. აღმზ-

გამარჯობათ 209-ე ბაგა-ბაღალეზო!

გეოგრაფიული კონფერენცია

# რესპონსიბილურობა და ინკლუზიური განათლება



**განათლების** სისტემის ერთ-ერთი პრიორიტეტი არის ინკლუზიური განათლება, რომელიც გულისხმობს სპეციალური საგანმანათლებლო საჭიროების მოსწავლეების აქტიურ ჩართვას საგაკვეთილო პროცესში. ამ პრობლემებს მიეძღვნა თბილისის 131-ე საჯარო სკოლაში ჩატარებული კონფერენცია თემაზე: „თანამედროვე მიდგომების გამოყენება ინკლუზიური განათლების მნიშვნელობა და გამოცდილების გაზიარება სასწავლო პროცესის უკეთ წარმართვისათვის“.

კონფერენციის მონაწილენი გახლდნენ 131-ე საჯარო სკოლის პედაგოგები და მოწვეული სტუმრები.

მოწვეული სტუმრების სტატუსით კონფერენციას ესწრებოდნენ განათლების სამინისტროს, მასწავლებლის სახლის, გაზეთ „ახალი განათლების“ რედაქციის, სამგორის რაიონის მუნიციპალიტეტის მასწავლებლის დეპუტატი **ლია ჯახვლაძე** და სხვადასხვა საჯარო სკოლის წარმომადგენლები.

თბილისის 49-ე საჯარო სკოლიდან კონფერენციას ესწრებოდნენ სკოლის დირექტორი **ეკატერინე ცაავა**; კათედრის გამგეები: **ლილა კიკნაძე** (უცხოური ენა), **ია ჯიქია** (დანყებთები), **ია ოდიშარია** (ქართული ენა), **ნინო გოგუაძე** (მათემატიკა), **ნათია ცინცაძე**

(საბუნებისმეტყველო საგნები), **თამარ კანდელაკი** (საზოგადოებრივ მეცნიერებათა), სპეციალური საგანმანათლებლო საჭიროების მასწავლებლები: **მარიკა ჯიქია** და **რუსუდან ხოშარაული**.

კონფერენცია გახსნა 131-ე სკოლის დირექტორმა **ხათუნა ენუქიძემ**, რომელმაც წარმოადგინა მოხსენება თემაზე „ინკლუზიური განათლება“.

მან ვრცლად ისაუბრა ინკლუზიური განათლების რაობაზე, მის საჭიროებაზე, მნიშვნელობასა და აუცილებლობაზე, რამაც აქტიური ასახვა უნდა ჰპოვოს საგაკვეთილო სივრცეში. დირექტორმა თავის მოხსენებაში აღნიშნა, რომ ყველა მოსწავლეს აქვს თანაბარი უფლება მიიღოს განათლება ჩვეულებრივ კლასებში შესაბამისი, ინდივიდუალური მოდიფიცირებული სასწავლო გეგმებისა და სპეც-პროგრამების გამოყენებით, რომლის ნათელი მაგალითიც ამ სკოლაში მიმდინარე საგაკვეთილო პროცესებია.

ძალიან საინტერესოდ ისაუბრა 131-ე საჯარო სკოლის დირექტორის მოადგილემ **მეგი როსტიაშვილი-ნიკლაურმა** თავის მოხსენებაში თემაზე: „წარმატებული სკოლის მახასიათებლები“.

მომხსენებელმა ახლებურად წარმოადგინა სკოლის სტრატეგიული დაგეგმვის მიზნები, რომელშიც კარგად არის დასახული წარ-

მატების განხორციელების გზები. იგი აძლევს საშუალებას მოსწავლე-ახალგაზრდობას მიიღოს თანამედროვე განათლება და მოახდინოს მათი შესაძლებლობების სრული გამოვლენა, ინტეგრაცია მსოფლიო საზოგადოებაში თანამედროვე მოთხოვნების შესაბამისად.

ამის შემდეგ პრეზენტაციის თემა **სახელწოდებით „უსაფრთხო სკოლა“** წარმოადგინა სტუმრის სტატუსით მყოფმა თბილისის 49-ე საჯარო სკოლის დირექტორმა **ეკატერინე ცაავამ**. თემა ერთგვარი გაგრძელება იყო წინა გამომსვლელის თემისა. იმჯერა სკოლაში უსაფრთხო, მზრუნველ და წამახალისებელ გარემოს შექმნაზე, სადაც სტანდარტის შესრულება განისაზღვრება შემდეგი ინდიკატორების დაქმნა-ოფილებით: საჯარო სკოლაში დაცული უნდა იყოს უსაფრთხოებისა და სანიტარულ-ჰიგიენური ნორმები, უნდა არსებობდეს



ეფექტური, მზრუნველი და მოსწავლეებისათვის მასტიმულირებელი სასწავლო გარემო. მოქმედი კანონმდებლობის შესაბამისად უნდა შემუშავდეს საჯარო სკოლის შინაგანაწესი, რომელიც ერთგვარად წარმატებული სკოლის მახასიათებელია.

მომხსენებლის ხედვით წარმატებულმა სკოლამ უსაფრთხოების დაცვით უნდა მისცეს მოსწავ-



ლე-ახალგაზრდობას საშუალება მიიღოს თანამედროვე განათლება, მოახდინოს მოზარდის შესაძლებლობების სრული გამოვლენა და ინტეგრაცია მსოფლიოს საზოგადოებაში თანამედროვე მოთხოვნების შესაბამისად. **ეკატერინე ცაავამ** განსაკუთრებით გაამახვილა ყურადღება სასკოლო დისციპლინაზე. მოსწავლეთა ქცევის მონიტორინგზე. კონფერენციის შემდგომი თემები და პრეზენტაციები ძირითადად იყვნენ 131-ე საჯარო სკოლის პედაგოგები.

„სსსმ მოსწავლეთა დარღვევების თავისებურებები და სწავლების სტრატეგიები“. მომხსენებელი – **ნატო ხაღური-ჭყოიძე**.

„სსსმ მოსწავლეთა სოციალური გარემოს გაკვლევა მათ განვითარებაზე“. მომხსენებელი – **გიული**

„კვლევების მნიშვნელობა მათემატიკის სწავლებისა და სასწავლო პროცესის უკეთ დაგეგმვისთვის“. მომხსენებელი – **ნანა ფირცხალავა**.

„სწავლება ექსპერიმენტით – სამოდული გაკვეთილი როგორც გამოცდილების გაზიარების ერთ-ერთი მეთოდი“. მომხსენებელი – **ნანა ჯანაშია**.

„კრეატიული აზროვნების განვითარება აქტიური მეთოდებით დაწყებით სწავლებაზე“. მომხსენებელი – **ეკა შევლიძე**.

„ისტორიულ წყაროებზე მუშაობის მნიშვნელობა სწავლა-სწავლების უნარების განსავითარებლად“. მომხსენებელი – **მზია გოგოლაძე**.

„კარიკატურებით სწავლება“. მომხსენებელი – **მთვარისა ბენდელიანი**.

„დიდაქტიკური თამაშები უცხო ენის გაკვეთილზე“. მომხსენებელი – **ელენე ბასიშვილი**.

„პროექტებით სწავლება ქართულ ენასა და ლიტერატურაში“. მომხსენებელი – **მაკა სამსიანი**.

„სწავლა-სწავლება ციფრული რესურსებით“. მომხსენებელი – **გიორგი არაგვიანი**.

კონფერენციის შემავაძებელ ნაწილში გაკეთდა მოკლე ანალიზი, შეჯერდა წამოჭრილი პრობლემები და გამოითქვა სურვილი, გაეზიარებინათ თავიანთი გამოცდილება, დაენერგათ სიახლეები.

გამომსვლელებს შორის იყვნენ წარმომადგენლები სხვადასხვა სკოლებიდან, სამინისტროდან, რესურსცენტრიდან, ასევე – მოწვეული სტუმრები გამგეობიდან.

კონფერენცია მეტად ნაყოფიერი გამოდგა.

**მარიკა ჯიქია, რუსუდან ხოშარაული**

გეგმილი გვერდიდან

რდელის, ლოგოპედის, ფსიქოლოგის, ექთნის, მშობლის ერთობლივი ძალისხმევით მიმდინარეობს ამ მოზარდის აქტიური ჩართულობა ჯგუფში, მისი ინტეგრირება. ამ კუთხით ბევრს მუშაობენ: ლოგოპედი **როზა ცირამუა** და ფსიქოლოგი **მარინე სივსივაძე**.

ცეროდენების კეთილდღეობაში, ბაგა-ბაღის საერთო წარმატებაში დიდი წვლილი შეაქვს გამოცდილ, შემოქმედ პედაგოგს, დირექტორის მოადგილე **ანიკო ბოკუჩავას**. მისი მრავალწლიანი თავდადებული მოღვაწეობა ქებადღეობს იმსახურებს.

დირექტორი მადლობას უხდის თავისი საქმის ზედმინევენით მცოდნე საქმის მწარმოებლებს: **თეა ფოცხვერაშვილს** და **ნათელა ტაბატაძეს**, სამწურო ნაწილის კოორდინატორს, შრომისმოყვარე შემოქმედს – **ირინე ლომიას**.

ყველა მუშაკი დიდი პასუხისმგებ-



ბლობით ასრულებს დაკისრებულ მოვალეობას. ცეროდენების ჯანმრთელობის სადარჯოზე ერთგულად დგანან გამოცდილი ექთნები: **ქეთევან კვაშილავა** და **დალი კობაიძე**. აქვე უნდა შევაქოთ მზარეულები, რომლებიც ამ ექთნების რეკომენდაციით ეკოლოგიურად სუფთა ყუათიანი, გემრიელი კერძებით კვებავენ მოზარდებს. დიდი მადლობა გემოვნებიან მზა-

რეულებს: **ლამზირა გუმბერიძეს**, მის თანაშემწეებს – **ლალი კობახიძეს**, **მარინე საჯაიას**, მწე – **მზია ჯოხაძე-კერესელიძეს**.

ქება ვთქვათ ხელოვნების მუშაკებისა, რომლებიც ცეროდენებს სულს უფაქიზებენ, ხელოვნების სიყვარულით ზრდიან, მთელი ბაგა-ბაღის ცხოვრებას ახალისებენ და ალამაზებენ. ესენი გახლავთ მუსიკა-ცეკვის მასწავლებლები:

**მზია ხომასურიძე**, **მანანა რაზმაძე**, **ლალი სხარულიძე** და **ია ქსოვრელი**. აღმზრდელებთან ერთად მათი ხელმძღვანელობით, იენისის ბოლოს ჩატარდება გამოცდების დიდი ზეიმი – ასზე მეტ სკოლისთვის კარგად მომზადებულ ცეროდენას გზას დაულოცავენ პირველი კლასისკენ.

და ყველაზე მთავარი სამადლობელი სიტყვები, რაც ბოლოსთვის შემოვიწახეთ. დაგელოცოთ მარჯვენა აღმზრდელ-პედაგოგებო, თანამშენებო, თქვენი ღვაწლია, რომ ამდენი ნიჭიერი, ცხოვრებისთვის მომზადებული ცეროდენა ფრთიანდება ბაგა-ბაღში. დიდება: **ნაირა ფანცულაიას**, **ნელი ჭუჭულაშვილის**, **ნინო ლეკიშვილის**, **მანანა რაჭველიშვილის**, **მაია ფრიდონაშვილის**, **სუსანა თეიმურაზიანის**, **ნაილი ბროლაშვილის**, **ლალი საჯაიას**, **ქეთი ბელქანიას**, **ნანი დოლიძის**, **თამარ თაბაგარის**, **ნინო ბეგიაშვილის**, **ხათუნა ტაბატაძის**, **ლამარა დვალის**, **მანანა**

გველესიანის, **მარინე პატარქალიშვილის**, **ციხარო ჭანტურაძის**, **მანანა ტურაშვილის**, **სოფიო ხარჩილავას**, **თეა ჯინჯოლაგას**, **თამთა კერვალიშვილის**, **თამილა კიკნაძის**, **მანანა ქვარცხავას** (ძიძა სანიტარი), **დალი ასლამაზიშვილის** (ძიძა სანიტარი), **მზია ფრიდონაშვილის**, **სალომე კახიანიშვილის**, **მაია მურადაშვილის**, **მანანა ქიტიანიშვილის**, **მარინე ლალიაშვილის**, **ნუნუ მანჯგალაძის**, **ნატო ხაჩიძის**, **მანანა მელიქიძის**, **ზეინაბ ხარშილაძის** მუხლიწაუხრელ შრომას.

ყოველ მათგანს ფუსფუსი და ფაცი-ფუცი შევატყვევ – რალა-ცისთვის გულმოდგინედ ემზადებთან. დიახ, სექტემბერში საიუბილეო თარიღია – ბაგა-ბაღი 25 წლისა გახდება.

ამ საამაყო, ღირსეულ იუბილეს წინასწარ გილოცავთ, 209-ე ბაგა-ბაღელებო.

**მაია მიშველაძე**



# „სპექტრი“ – სახელსწიფო განათლების აღზრდის მასშტაბური სასწავლებელი



**საპარტიზო** დედაქალაქის აღმოსავლეთით, დასახლება „აფრიკაში“ მდებარე საზოგადოებრივი კოლეჯი „სპექტრი“ არსებობის ათიოდე წელს ითვლის. იგი ერთ-ერთი უდადესი პროფესიული სასწავლებელია საქართველოში. ვენიეთ მას და მის ხელმძღვანელობას. კოლეჯის დირექტორი **მათე ტაკიძე** გამორჩეული

სი, ელექტრონული და ციფრული ხელსაწყოების დიაგნოსტიკის შემკეთებელი.

მშენებლობის პროფილით კოლეჯი ამზადებს: შემდეგლებელს, კალატორს, მეფილე-მომპირკეთებელს, მებათქაშეს, მღებავს, ზეინკალ-სანტექნიკოსს, თაბაშირმუყაოს სპეციალისტს, საავტომობილო გზებისა და აეროდრომების მშენებელ-ტექნიკოსს, ვენტილაციისა და კონდიციონერების სისტემის მემონტაჟეს.

სატრანსპორტო პროფილით: სავალი ნაწილის ტექნიკოსს, ძრავის შემკეთებელს, ავტომობილის ზეინკალს, მძიმე სამშენებლო ტექნიკის ოპერატორს.

სამრეწველო ინჟინერისა და ტექნოლოგის კუთხით: დურგალს. გარემოს ინჟინერია და უსაფრთხოება ითვალისწინებს: სასურსათო პროდუქტების ეკოლო-



ფონდთან ერთად შემუშავდა და მიმდინარეობს ინკლუზიური განათლება.

კოლეჯში დასაქმებულნი არიან მაღალკვალიფიციური დირექტორის მოადგილეები, პედაგოგები.

მიმდინარეობს კოლეჯის ტერიტორიაზე არსებული 4 სართულიანი შენობა-ნაგებობის რეაბილიტაცია, პროფესიულ სტუდენტთა საერთო საცხოვრებლის და საკონფერენციო დარბაზების მოსაწყობად.

ხელი ეწყობა ინკლუზიური განათლების განვითარებას.

იგეგმება და ხორციელდება პოეზიის საღამოები, თეატრალური დადგმები; გამოფენები, ფილმების ჩვენება, საქველმოქმედო ღონისძიებები, სატელევიზიო აქტივობები.

კოლეჯში მოეწყო ბიზნეს-ფორუმი, რომელსაც ესწრებოდნენ განათლების და მეცნიერების სამინისტროს, რეგიონალური განვითარების და ინფრასტრუქტურის სამინისტროს და კერძო სექტორის წარმომადგენლები.

დანებსებულებას შემუშავებული აქვს საგანმანათლებლო პროგრამის განხორციელების შეფასების სისტემა, რომლის შედეგებსაც იყენებს სასწავლო პროცესის ხარისხის გასაუმჯობესებლად, სწავლების ხარისხის გაუმჯობესების მიზნით ატარებს ყოველ წლიურ გამოკითხვებს, სტუდენტების, მასწავლებლებისა და დამსაქმებლებისა.

კომპანიამ „აზია ენერჯი“ პროექტ „ვერო მასტერის“ ფარგლებში პროფესიულ კოლეჯ „სპექტრის“ ხელშეწყობით შარშან ჩაატარა უფასო სატრენინგო/პრაქტიკული კურსები.

წარმატებით გაიარეს ტრენინგ კურსი და დასაქმდნენ ისეთი სტუდენტები, როგორც არიან: **ბუჯანშვილი გიორგი, ახალაძე გიორგი, ხუციშვილი ლევანი, მასურაშვილი ნიკა, ჩიბანიანი რუდოლფი, ნაგლაძე ვალერი, ჩახმაზაშვილი გიორგი, სულხან ჯორჯიაშვილი, ლევან ჯანაშვილი, ბურჭულაძე რომანი, დიმიტრაძე გედეონი** და სხვები.

გერმანიის საერთაშორისო თანამშრომლობის საზოგადოებას GIZ-თან და შპს „კაპაროლ ჯორჯიასთან“, შპს „კნაუფ გიპს თბილისთან“ და შპს „ჰაიდელბერგცემენტ კავკასუსთან“ გაფორმებულია ურთიერთთანამშრომლობის მემორანდუმი.

გერმანიის საერთაშორისო თანამშრომლობის საზოგადოების GIZ-ის დაკვეთით განხორციელდა პროექტი: „პროფესიული განათლება და ლიდერთა

ტრენინგი სამხრეთ კავკასიაში“. პროექტის ფარგლებში მომზადდა პროფესიული მასწავლებლები პროფესიულ პედაგოგიკაში და

სუს როდ პროექტი“, სპს „ოლპი ჯგუფი“, შპს „ტექნოპაუსი“ (ბეკო), „შპს „ელიტა ბურჯი“, შპს „კნაუფი“, შპს „ჰაიდელბერგცემენტი“, შპს „კაპაროლი“, შპს „ფოლადკონსტრუქცია“, შპს „რუსმეტალი“, შპს „ინ-სი“, შპს „ენერგოპრო-ჯორჯია“, შპს „გზატექცილი“, შპს „ჯორჯიან ვოთერ ენდ ფოვერ“, შპს „ჯეო-თურანი“, შპს „ახალი ქსელები“, შპს. „აზია ენერჯი“, შპს „ჯეო-ტურანი“, „სს „ლომისი“, შპს „სერვის ოფისი“ და მრავალი სხვა წარმატებული კომპანია.

კოლეჯს ამჟამად გააჩნია 40 კაბინეტ-ლაბორატორია, 19 სასწავლო სახელოსნო, ბიბლიოთეკა 127 776 წიგნით, ღია სპორტული მოედანი, საკონფერენციო დარბაზი, პირველადი სამედიცინო დახ-




მუშაკი და ღირსეული მამულიშვილია. მან ადრე განსაკუთრებით გამოიჩინა თავი აჭარის კულტურის მინისტრად მუშაობისას, ასევე პროფესიული კოლეჯი „იკაროსის“ დირექტორის პოსტზე. დირექტორის მოადგილეა **ვარლამ ავალიშვილი**.

სსიპ საზოგადოებრივი კოლეჯი „სპექტრი“ წარმოადგენს ლიდერ სასწავლებელს სამშენებლო მიმართულების სპეციალისტების მომზადება-გადამზადებაში. გარდა ინჟინერიისა, კოლეჯი ასევე ახორციელებს სწავლების გარემოსა და სურსათის უვნებლობას, ბიზნეს ადმინისტრირებას – ხელოვნების მიმართულებით ოცდახუთამდე პროფესიულ პროგრამაზე.

ეს პროგრამებია: **ბიზნეს-ადმინისტრირება** (ბულალტერია, ოფის-მენეჯერი), **კომპიუტერინგი** (კომპიუტერული ქსოვილებისა და სისტემების ტექნიკოსი, ინტერნეტტექნოლოგი), **ენერგეტიკა** და **ელექტროინჟინერია** (ელექტრიკო-

გიური კონტროლის სპეციალისტს, გარემოს დაცვის ტექნიკოსს. მეცნიერება/საბუნებისმეტყველო მეცნიერებანი: ტოპოგრაფი.



ხელოვნება/დიზაინი: ხის მხატვრული დამუშავების სპეციალისტი.

სახვითი ხელოვნება: მძერწავი. ნორვეგიის განვითარების



დიდაქტიკაში. რეგულარურად ხდება შეხვედრა სხვადასხვა ბიზნეს ორგანიზაციებთან.

ინტენსიური მუშაობა მიმდინარეობს სხვადასხვა სახელმწიფო თუ კერძო ორგანიზაციებთან

მარების პუნქტი და ავტოდრომი. ასევე მიმდინარეობს არსებული საერთო საცხოვრებლის და 4 სასწავლო სახელოსნოს რეაბილიტაცია, რაც მომავალი წინსვლის საწინდარია.



კურსდამთავრებულთა დასაქმებისა და სწავლების ხარისხის შემდგომი სრულყოფის მიზნით. კოლეჯის პარტნიორები და დამსაქმებლები არიან: შპს „კავკა-

წარმატებებს ვუსურვებთ კვალიფიციური კადრების აღზრდელი გამორჩეული კოლეჯის „სპექტრის“ კოლექტივის.

**რომან მოსეშვილი**



„ნეტავი, შეილთა მრავალთა!“

# „ხეთოსანი“ პედაგოგები



მარიამ ჯირანიშვილი

**გუდაბაშარის** ქუჩაზე თბილისის მე-15 სკოლის წინ რამდენჯერაც გავივლი, იმდენჯერ უსიამოვნო გრძნობა მეუფლება. იმ საკლასო ოთახებიდან, სადაც გაკვეთილებს ვატარებდი, დევნილთა გამოფენილი საცვლები ფრიალებს, კედლები ჭვარტლითაა გამაურული.

ტრაგიკული ბედი ერგო მრავალი გამოჩენილი მამულიშვილის, კერძოდ, ეკონომიკის ყოფილი მინისტრისა და დღეს დედაუნივერსიტეტის რექტორის, **ლადო პაპავას** აღმზრდელ 80 წლის სკოლას: ჯერ იყო და, 2002 წლის 22 აპრილის მინისტრებმა სახიფათოდ დაბზარა, მერე 2008 წლის 13 სექტემბერს მეორე სართულის შუაგული ჩაინგრა.

მეზობელ, 207-ე სკოლას შევხვხვხვხვ. ორი წელი გვატყუა მაშინდელმა მინისტრმა დ. შამკინმა, პროექტი, ხარჯთაღრიცხვა მზად არის, მალე ახალ შენობაში შეხვალთო.

თურმე ეშმაკს არ ეძინა – მოულოდნელად გაგვაუქმეს. ხუთი წელია №15 სკოლა ბუნებაში არ არსებობს.

ასეთია ძალიან მოკლედ სევდიანი ისტორია ჩვენი მშობლიური სკოლისა, სადაც 33 წელი ვიმუშავე. „ვაჰ, რა ძნელია კვდებოდეს, იკარგებოდეს სახელი!“

ახლა ძირითად სათქმელს ვუბრუნდები: მაშინ, ჩვენი ერთად მუშაობის დროს, ორი პედაგოგი ოთხ-ოთხ შევილს ზრდიდა. ორივეს ხუმრობით შევპირდი, მეხუთე შევილი რომ გეყოლებათ, თქვენზე წერილს დავწერ, რომლის სათაური იქნება „ხუთოსანი“ პედაგოგები“-მეთქი.

**მარინე ფირანიშვილი** დაწყებითი კლასების ჩინებული მასწავლებელი გახლავთ, ნოვატორი, ენერჯიული, მაძიებელი. ასეთი იყო იგი მუდამ, **ამირან მათითაშვილის, რომან მოსეშვილის, გულიკო ჯაშაშვილის** დირექტორობის დროსაც. ასეთად იცნობს მას დღევანდელი დირექტორი **ზურაბ ჩხაიძე**.

ქართულის მასწავლებელ **მაკა თაბაგარზეც** იგივე მინდა ვთქვა. ორივე უპრეტენზიოა, ჩუმი, მუშა ფუტკარით გამ-



მაკა თაბაგარი

რჯეი. სამოდე თვის წინათ ძველი კოლეგებისგან (**ცისანა ყიფიანი, ნაზი მიხაილიძე, ნინო კობახიძე, მარინე კასრაძე, მაია კიკაჩიშვილი**) შევიტყვე: მარინესა და მაკას ხუთ-ხუთი შევილი ჰყავთო.

სულ ახლახან კი გავიგე – ბალანსი დარღვეულა, **მაკა თაბაგარს** მეექვსე შევილი შექენია.

და ჰა, მეც ვასრულებ დანაპირებს.

მაკა და მარინე, ბედნიერ დედობას გილოცავთ!

**ბორის მიშველაძე**, ყოფილი მე-15 სკოლის ყოფილი პედაგოგი

## საქმე, ბომელიც გვეჩითობება

### სუბიექტური აზრი

**ყოველგვარ** აზრს, ვინმეს მოსწონს, თუ არა, აქვსო არსებობის უფლება. ეს გამოთქმა დღეს მოდაშია. ჰოდა, თუ ასეა, მეც მაქვს უფლება, მქონდეს საკუთარი ხედვა.

ათი წელია, რაც **საშუალო** სკოლას უწოდეს „საჯარო“. ჩავიხედოთ განმარტებით ლექსიკონში. „ჯარი“ არის ადამიანთა კრებული. სკოლა ხომ პედაგოგ-მოსწავლეთა კრებულისგან შედგება. რად უნდა მას განსაზღვრება „საჯარო?“ თუ ამ ლოგიკას გავყვებით, უნდა იყოს: „საჯარო კოლეჯი“, „საჯარო პროფესიული სასწავლებელი“, „საჯარო ტექნიკური უნივერსიტეტი“, „საჯარო ლიცეუმი“, „საჯარო ინსტიტუტი“. ადამიანების გარდა სხვა რამე დადის ამ დაწესებულებებში ცოდნის შესაძენად? ძველებური, ტრადიციული განსაზღვრება ჯობია, ლმერთმანი. „საჯარო“ ხელმოცარული რეფორმისტების მოგონილია, რომელთაც ვერაფრის რეფორმა ვერ გაატარეს, გარდა ტერმინოლოგიისა.

რა არის „მედიაექსპერტი?“ „ექსპერტი“ „მცოდნე“ ნიშნავს მამა-პაპური ქართულით. ჭეშმარიტ ჟურნალისტს „მედიაექსპერტი“ რაში ჭირდება? იგი თავად არის მედიაექსპერტი. ე. ი. თავისი პროფესიის მცოდნეც და შემოქმედიც. როგორც კრიტიკოსი ვერ ასწავლის მწერალს წერას, ისე მედიაექსპერტი ჟურნალისტობას ვერავის ასწავლის (ჟურნალისტის ფაკულტეტის ლექტორებს არ ვგულისხმობთ). ახლა ვილაც გამოხტება და იყვირებს: სკოლას თუ ისევ დაუბრუნეთ ნამდვილი შესატყვისი განმსაზღვრელი მისი არსისა „საშუალო“, საბჭოეთში დაბრუნება იქნებაო. მკითხველმა განსაჯოს.

### ცილისნამება დასჯალია?

**ის** ამბავი მოხდა შორეულ წარსულში. ახალგაზრდა კაცს სატრფო გაუთხოვდა. შურიანობის ნიდაგზე ქორწილის წინა დღეს „მოლაღატეს“ ხმა გაუფრცხლა, თითქოს მასთან სქესობრივი კავშირი ჰქონდა. სასიძოს ყურამდე ამ ამბავმა მიიღწია. ქორწილი ჩაიშალა, მომავალი ოჯახი დაინგრა. სასამართლომ დაადგინა აშკარა ბოროტგანზრახვის ფაქტი და ცილისმამებელი ციხის ბინადარი გახადა.

დღეს ეს მუხლი სასამართლოს კოდექსიდან ამოღებული ჩანს, რადგანაც იმდენი ცილისნამება იფრქვევა (ნეპოტიზმი, ქურდიო, ბანდიტიო, – ვერცერთს ვერ უმტკიცებენ), მაგრამ ცილისნამებოსთვის დასჯილი არავინ გვსმენია. ასეა ლანძღვის, ბლნსიტყვაობის შემთხვევაშიც: გადმოდება ტელევიზიით მავანი, უშვერი სიტყვებით ლანძღავს, ამცირებს, აბუჩად იგდებს დეპუტატს, პრემიერ-მინისტრს, პრეზიდენტს, მაგრამ ამისთვის დასჯილი ვინ ნახა? საჭიროა, ეს ქცევები დასჯადი იყოს, თუნდაც ჯარიმის სახით მაინც.

მოსე მუხარაძე

## სკოლის დამთავრების სევდა-სიხარული

# ჩვენი მეგობრებმა გაგტბოლდნენ

**როცა** რაღაც მთავრდება, სევდა მოდის, სევდა დიდი და თან მსუბუქი...

...არ იცვლებოდა წელიწადების დროების რიგითობა, არც წელიწადში თვეების, კვირებისა და დღეების რაოდენობა; იცვლებოდა წლიდან წლამდე მათი თვალების შუქი და სიღრმე... მათი სახის ნაკვეთები იძენდა მკვეთრ მოხაზულობას, მზერა – დამაჯერებლობას... ამასობაში გაიღია მეთორმეტე წელიც, სავე აბიტურიენტობის ლეღვითა და რაღაც დიდის დასასრულის ტკბილი სევდით...

ერთ სივრცეში ყოფნა სამი ათეული ადამიანისა, რომლებიც განირჩევიან გემოვნებით, ხედვით, დამოკიდებულებებითა და მათი ასაკისთვის შესაფერისი ზერტული ხასიათით, არცთუ ისე ადვილია და სწორედ აქ ჩნდება ურთიერთობის ის შინაგანი უხილავი ძაფები, რომლებიც ადამიანებს მეგობრებად გვიხდის, მათი ხასიათების სირთულისა და თავისებურებათა მიხედვით.

ექვსი წელიწადი საკმარისი დროა საიმისოდ, რომ ახალგაზრდები შეინანებდნენ, შენი სულისა და გულის ნაწილად მიიჩნიო და მით უმეტეს, თუ ისინი ბავშვები არიან; ბავშვები, თავიანთი გულწრფელობით, უშუალოდ, საიმედოობითა და დიდი სიყვარულით...

გავა დრო. მოგონება ამ წლებისა სხვაგვარად გაათბობს გულს, რადგან

შეუძლებელია ადამიანმა მიიღოს უფრო მეტი პოზიტივი, ვიდრე ეს ბავშვებისგან მიღებული დადებითი მუხტია.

შეჩვევა, მრავალწლიანი შეჩვევა წლების შემდეგ ერთგვარ ნოსტალგიას მოიტანს; როცა აღარ იქნება ის, რაც იყო; როცა ამ საკლასო სივრცეში სხვები დაიდებენ ბინას, მაგრამ ესეც ხომ ის ზოგადი კანონზომიერებაა, რომელსაც ცხოვრების ვერც ერთ სეგმენტში გვეხსნის ვერ ავუფლით.

...და ასე, ისინი აირჩევენ საკუთარ გზას და, უკვე დავიწყებულნი, შეეცდებიან სასიკეთოდ პროდუქტიული იყოს თავიანთი ნამოქმედარი, ლოგიკური და გონივრული კი – ცხოვრების მნიშვნელოვანი არჩევანი.

მიდიან სკოლიდან უკვე დიდები, ჩამოყალიბებულნი, მიდიან და ტოვებენ იმედს, რომ ხვალ უფრო კარგი დილა გათენდება, უფრო სხვა მცხუნვარება ექნება მზეს და დღეებიც მეტ სასიამოვნო სიურპრიზს შემოგვთავაზებს.

როცა რაღაცას კარგავ, რაღაც რომ მთავრდება, სევდა მოდის... სევდა დიდი და თან მსუბუქი... აი, უცნაურად რომ გავსებს და გაკეთილმოხილებს.

ამ სევდა-სიხარულიან ჩანახატს ვუძღვნი ჩემს სადამრიგებლო კლასის ყველა კურსდამთავრებულს, რომელთაც მეხუთე კლასიდან ველოლიავებოდი.

კიდევ ცოტა და... გამიფრინდები-

ან. მინდა მჯეროდეს, ისინი არასოდეს დამივინყებენ. ჩვენი მეგობრობა გაგრძელდება.

**მარეზ ირემაძე**, თბილისის მე-10 სკოლის XII კლასის ხელმძღვანელი

### სარედაქციო მინანარი:

ეს წერილი მათემატიკის მასწავლებელმა დაგვიწერა. ალბათ დაგვეთანხმება მკითხველი, ასეთი ჩანახატის დაწერა ყველა ფილოლოგს ვერ ხელენიფება. სულ სხვა ფიქრი გვანუხებს, როგორც მკითხველს: ვაკვირდებით 18 წლის კურსდამამთავრებლების მისწრაფებებს, სულის მოძრაობის და ვანყდებით მათ გულგრილობას ჭაბუკური გატაცებების, რომანტიკის მიმართ – თითქოს არაფერია სკოლის დამთავრება, უინტერესოა ყველაფერი, არ შეიძლება მათში განცდა იმისა, რომ მალე სულ სხვა ცხოვრება დაიწყება.

ჩვენ, ძველ თაობას, გუშინდელ დღესავით გვახსოვს სკოლის დამთავრების პერიუტიები. ნუთუ მარტო სტუდენტად გახდომა ან ბევრი ფულის შოვნა არის ჩვენი ცხოვრების არსი და ადამიანური ღირებულება? რამ მოიტანა ყოველივე ეს?

თუ ჩვენი აზრი და შეხედულება მცდარია, XII კლასელებო, გთხოვთ გამოგვეხმაუროთ.

რედაქტორი  
**ბორის მიშველაძე**

სახალხო განათლება+  
№ 8 (4512)  
13 მაისი, 2015 წელი  
გაზეთი გამოდის 1928 წლიდან

## რ ე ღ კ ო ლ ე ბ ი ა

ზურაბ ქობალია (თავმჯდომარე) 599 34-37-27; ნათელა ქიმერიძე 595 58-45-72; ბორის მიშველაძე 555 59-60-50; რომან მოსეშვილი 599 34 41 41; ნათია გურგენიძე 593 42-22-58; ეკა მამუკაშვილი 557 20-85-04

E-mail: sakhalkho.ganatileba@gmail.com

ტელ: (0 32) 2 99 80 00  
(0 32) 2 98 48 07; (0 32) 2 99 63 52

ISSN 1987-9113



9 771987 911009